


EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
754
.7
S5
1738
v. 111



硃批諭旨

黃廷桂

衛昌績

蔣洽秀

余甸

奏摺

硃批黃廷桂奏摺

雍正五年六月十九日四川提督臣黃廷桂謹

奏爲謹陳營伍地方情形及微臣管見事宜恭請

聖訓事竊臣仰荷

殊恩委任四川提督自到任三月以來於營伍地方一

切事宜悉心採訪有不可不漸次料理者不敢不

敬竭愚衷爲我

皇上備陳之

一軍中甲仗宜速製也兵可百年不用不可一日

不備況川省三面環夷觀瞻尤當嚴肅第自平定

硃批諭旨

黃廷桂

西藏青海以來各營盛甲器械鑼鍋帳房旂幟號
衣等項大半舊爛不堪且多缺額雖歷來各營未
嘗不年年造報而零星置辦不過僅供出師之用
臣閱看本標及城守兵丁尚且新舊不整則其餘
鎮協營路不問可知臣一面行文通省將備確查
各該營甲仗等項現存可用及不堪用併缺額實
在數目造冊申報一面與督臣岳鍾琪面商俟報
到之日量其需用緩急陸續次第修補仍當歲底

另行

允宜整理者酌動公糧遴委妥員次第修補以肅軍伍
奏報

一官兵馬匹宜加意整頓也川省所產之馬原不
高大然於低小之中必期足勝甲冑臣閱看本標
城守各營竟有單弱羸瘦僅堪乘騎者豈能任軍
旅之用除一面飭令將弁陸續易買更換外至於
馬匹牧放臣標五營及城守俱各有厰地而臣衙
門亦另有一厰皆在省城附郭不遠但各厰多有
低窪坑坎草種繁雜多不相宜且夏秋霖雨之後
水積毒生馬匹恣飲輒易生症倒斃故營馬不往
厰地牧放俱自拴槽餵養以致羸瘦臣細訪府屬
歸併郫縣之崇寧地方距省城一百餘里有順河

荒山一段方長可六十里在豐樂場之後山民間
以其山土瘠薄皆棄而不耕臣思土瘠則草必無
毒順河則水更相宜隨差把總一員帶馬五十匹
前往試驗據稟一月以來馬有起色臣查附郭之
廠現今民間多有侵越開墾之處兵民聚訟不休
既有此荒山六十里可資牧放則附郭六廠皆可
耕耘莫若將各營舊廠除左營一廠業經撥歸駐
防滿兵牧放外其餘俱應退出交有司招民開墾
上可稍增力小之中必賦又無甲冑
國賦下可永杜紛爭至於馬匹下廠牧放臣倣照八

旗放馬之例每歲派守備一員千把二員酌帶旗
隊兵丁於豐樂場後山之外搭蓋棚廠依期牧放
廠地四圍皆安兵看守以臣衙門原有之廠留給
存城馬匹割草餵養以期臙壯是一轉移間而附
郭可無曠土營馬可望飽騰但臣愚昧之見未敢

遽行

馬匹廠地均關緊要具疏題請可也
題請是否有當伏祈

睿鑒批示遵行

一士卒驕奢宜潛革也查得川省兵丁自年羹堯
濫賞放縱至今習氣未除故無論大小營汛馬步

戰守雖家已斷炊而衣冠鮮楚猶必求勝於人以
致重利賒借日久難償甘心逃竄臣自抵任之後
據各營汎具報逃兵之文逐月皆有因細加採訪
始得其由隨出示標營及通省鎮協所屬委曲開
導勸其恪遵

定制禁穿紗緞綾羅限三月之後馬步兵丁俱改布絹
服色至於僭越官制尤所當嚴臣於標員叅謁之
日見各營外委把總皆著補褂臣思補褂乃

朝廷名器豈容督撫提鎮私意市恩然臣前到宣鎮時
見宣鎮各營外委俱著補褂臣業經禁革今川省

亦復僭穿臣除面諭各營併通行鎮協嚴禁不許
僭穿外但臣伏思宣府四川相距甚遠而僭用名
汝第將所轄營伍訓飭禁約如果行之有效豈特各鎮
標奉為楷式將見直省提鎮亦必聞風而倣倣之矣不
皇上敕部通行查禁庶等威不致混雜而士卒驕奢之
須朕另旨敕部正欲於此試觀伊等之用心否也
風亦可漸息矣

一番蠻之防範宜慎密也川省沿邊番蠻地方磽
薄所產糧食不能足半年之用歷來舊習每歲冬
十月間各處生熟番蠻皆至省城及各府州縣城
市鄉村傭工度日其名謂之下壩男婦子女合計
不下數萬人必至次年三四月負戴銀米布疋牲

畜等物而歸近因文武各官禁止番蠻攜帶婦女
反致隻身合夥或十數人或百十人每到一州縣
卽分散四鄉其中癡蠢無知者固多而臣細加採
訪其强悍姦頑肆行兇惡者竟復不少臣愚竊欲
乘此尚未下壩之際卽備將歷來傭工番蠻隻身
下壩多有行兇偷竊挈伴潛逃等情通飭各處土
司曉諭所屬部落嗣後下壩傭工皆必攜有家屬
或三五口七八口一夥者方許放進內地聽其各
路傭工如係單身合夥形跡可疑者槩不許放進
仍通飭內地各州縣文武員弁於番蠻入境之時

卽著落保甲查其住宿之處登記數目凡伊夥內之人有犯事潛逃者卽向伊夥內跟究既有家口之累斷難一夥同逃至於婦女年二十以下十五

歲以上者仍行禁遏如此庶外不絕番蠻餬口之

此事朕早聞之因處置稍難未經頒旨卽汝此論亦未

爲盡善當與督撫臣和衷商酌審擇其宜而行惟四川

一省有此風習乃汝專責何庸朕降諭耶

皇上特頒諭旨俾督撫鎮道諸臣協力奉行方能有濟

再查番蠻往時有夾帶軍器等物者關隘亦阻遏

不容然止行禁遏追取竝不跟查盜賣之人之地

殊批諭旨

五

黃廷桂

敕下督撫嗣後如有盤獲必行跟究方可盡除夙弊統

惟

汝等悉心籌議或督撫中有不肯力行者密奏以聞
睿鑒

一汛守地方宜均定也臣自到任之始訪得省城

賭博最為惡習亟應

盡力查拏

及各州縣地方偷竊時有而賭博之風亦未盡絕

臣嚴飭城守官弁分汛查拏臣仍不時訪察即以

賞鑒

各汛弁之勤惰定其優劣隨據城守營叅將胡兆

其人未知此任奉職如何

吉稟稱各州縣分防汛地多屬不均如成都所屬

之德陽仁壽兩縣一在省城北路一在省城南路

相隔數百里而同歸一把總駐防實難分身兼顧

將作何更定之處斟酌妥協竟行具題無須更為摺奏
應請更定臣因思省會如此外汎可知隨通行查
但川省事宜應與岳鍾琪商計而行
覆俟覆至之日川省應行更定者臣另摺奏

聞請

旨惟據永寧協副將張瑛稟覆內開該協駐劄之永寧
所言一詳審之
張瑛舉止率妄不似端人當留心試用

城與貴州之永寧縣同在一城中隔一河河東屬
黔省河西屬四川河東之土地民人皆黔省管轄
而汎防弁兵則係川省分撥直至畢節縣界黔省
竝無一兵凡有逃盜姦宄潛匿民間川省營兵不

容過問此甚非邊隘所宜可否仰祈

聖恩敕下川黔督撫會同查明屬黔者歸黔汎守屬川

殊批諭旨

六

黃廷桂

聖恩者歸川駐防庶責成可專而沿邊姦宄不能遁藏
矣以上五條皆就臣知識所及縷悉備陳上瀆

天聽不敢圖目前苟安致貽後慮庶幾仰報
聖主委任封疆之
至意於萬一耳爲此具摺謹

奏

覽

同日又

奏爲遵

旨回奏事竊臣前

陞辭之日欽奉

諭旨令臣察看馬會伯宜文宜武佛喜言行有無相違

欽此臣到川卽悉心察訪馬會伯操守頗能謹飭

竝無派擾地方科索屬員之事但情性直率見事
所奏公當茲命伊往撫湖北於其到任後朕試觀之
每有遲鈍而急於辦理其宜文宜武難逃

聖明洞鑒臣不敢妄議至佛喜在川支放兵馬錢糧等

事從無短少尅減但聞其器量褊小每以衣履細

事向屬員告缺乏且夔關稅務竟有曖昧不明則

言行相違可知此案現奉

欽差究審其有無實跡料難掩飾臣風聞未有確據不

硃批諭旨

七

黃廷桂

敢冒昧瀆陳所有奉
旨察看之處理合謹就見聞所及據實奏

聞爲此謹

奏

殊不料佛喜如此負恩種種敗露無煩訪察矣

雍正五年十月十五日四川提督臣黃廷桂謹

奏爲遵

旨回奏事竊臣前

陛辭赴任面奉

諭旨命臣察看松潘鎮臣張元佐臣抵任之後卽留心

採探更專差密訪查鎮臣張元佐駕馭番蠻頗屬
得宜但生長邊地聞見不廣故一切政務未能通
識大體且營員弁卒多係梓里不無瞻顧更聞其
爲人殊多輕浮然臣仍當細心察看倘有敗檢乖
張之處臣卽當密摺奏

聞謹遵

旨具摺先將臣所知所聞據實回

奏伏祈

皇上睿鑒謹

奏

硃批諭旨

八

黃廷桂

所奏知道了倘於一切戎政尚不至大有玷缺邊隅要
地宜用熟練之員曷可輕動

同日又

奏爲據實回奏請

旨遵行事竊臣前

陞辭赴任面奉

諭旨永寧副將張瑛爲人以有事爲榮但尚不致干叅

處爾到任後可加意教導欽此臣抵任之後卽留心

訪察至五月內據張瑛條稟永寧所屬地方界在

川黔兩省營汛叅錯無所責成且云蠻民歸附日

久竝不剃頭其言頗覺可聽更疑其才有可用故
一面具摺瀆奏一面檄調赴省遵

旨加意教導間偶與督臣岳鍾琪道及永寧邊界始知
此事張瑛已經摺奏督臣現在議覆而臣又冒昧
具奏正深惶悚乃奉到

硃批原摺蒙我

皇上天恩訓諭開導復將張瑛爲人

諄切明示臣跪讀之下不勝感戴誠服仰見我

皇上聖明洞鑒無微不照臣惟凜遵

諭旨於其進見接談之際詳慎覺察益見率妄驕矜秉

性執拘迹其言行不特以有事爲榮若再稍得進
步必致任性僨事今准撫臣憲德咨准刑部來文
內開永寧副將張瑛借到年羹堯家人魏之耀銀
一千兩竝未報解應令該撫嚴查勒限催追解部
併將隱匿不首職名查叅咨行到臣臣行文該協
據張瑛呈稱出師西藏之時奉年總督委領先鋒
沿途賞賜需用尤不可少只得與魏之耀商量隨
拏魏之耀銀一千兩買備紬緞等物迨至旋師之
後曾回明年總督蒙吩咐大功已成無庸賠還等
語臣除據呈并將隱匿不首職名咨行撫臣轉咨

刑部外但臣伏思張瑛進藏之時既係年羹堯差
委賞賜需用不敷何不稟知年羹堯而反與家僕
魏之耀私相那借卽魏之耀又豈肯解私囊以充
軍務之費設或有此年羹堯伏罪之後亦當首明
恩自

上出何得隱忍不言則其存心不端益覺難逃
天鑒然現經部查臣未敢更加叅奏謹具摺請
旨或聽候部臣查議或另行具疏

題叅伏祈

皇上睿鑒批示遵行謹

奏

業經咨部自應聽候部議事結之後再爲斟酌勿因奉
朕一時之諭致令抱屈如果有貽誤職守處查明具疏
題叅可也

雍正五年十一月十一日四川提督臣黃廷桂謹
奏爲敬陳管見仰祈

睿鑒事竊惟欲厚風俗必先教化而教化之行尤宜廣
被我

皇上念切民生肖旰憂勤
特賜廣訓萬言周詳允當乃復頻頒

聖諭剴切諄誠凡任地方之責者自應實力奉行家喻
戶曉庶幾遐陬僻壤皆得沐

聖天子樂育之洪慈臣於十一月初四日接閱邸鈔恭

誦

上諭仰見我

皇上聖明洞照無微不至誠如

上諭向來諭旨頒至各省者不過省會之地一出告示
而已而州縣各處竝未遍傳至鄉村莊堡偏僻之區
則更無從知之矣欽此臣雖武弁捧讀之下殊深愧
懼自茲以後每逢朔望日期恭講

硃批諭旨

士

黃廷桂

聖訓畢卽將從前遵到

上諭敬謹次第分晰逐條誨化兵丁竝嚴飭鎮協大小

營汛一體遵行毋得怠忽以期上副

天心但臣竊思城市居民輻輳固當不時講誦

聖諭使之漸摩有自而僻處荒村之民若令其按期進

理

城聽講勢必不能若因其遠在偏隅不使聞知更

非我

皇上教養萬民遐邇一體之至意臣愚以爲宜將

廣訓萬言竝從前奉到

上諭刊版刷印著該督撫飭令各該有司就其鄉村莊

日事堡之中選擇年高有行素爲衆民推服者各頒發
一本定於每月朔望日期挨次悉心講究敬謹誨
導遵行仍令該有司不時稽察毋許虛應故事至
嗣後頒行

上諭統照前例奉到卽行刊刷頒發各鄉堡漸次講習
不許遺漏如此庶鄉鄙愚民皆得跪聆

皇言恪遵

詔誥自有以感發天良而成一道同風之盛矣臣不揣
愚陋冒昧陳

奏伏祈

硃批諭旨

三

黃廷桂

皇上睿鑒如或臣言可採卽當另疏具

題爲此謹

奏

此事不必更爲題奏朕歷年所頒諭旨頗多豈能一一盡行刊刻耶因事而發者不敘明所以莫悉其由若備載原委又不勝其繁且亦無此體製但於其中選擇化民道俗之語刊布宣講或亦可爲政教之一助耳

同日又

奏爲請

旨事竊惟軍營技藝務貴專精而訓練之方尤宜畫一

臣仰沐聖恩蒞任以來於軍營一切器械無不悉心講求惟是
火器一項較弓矢既能及遠而制敵更覺犀利故
川中歷來用兵多藉以取勝然演習之法類皆以
排偶連環爲事及臣親加閱看往往裝藥發火進
退遲速多不合一臣細察其由如臣標鎗手一千
名分隸五營各二百名平時旣係分操故於合操
之時各就其素日所習以相從遂至打放參差而
連環之聲不免斷續甚至高下失準者亦多有之
臣思業必專而後精所以陝省火器另設一營專

司訓練今臣標五營不敢另請設立可否卽以後
營一營改作總領火器之營將原領弓箭副刀等
隊兵丁俱分歸中前左右四營管領其一切鳥鎗
礮位等兵丁俱歸火器營管領教習至火器營將
弁卽於標屬挑選諳練火器之遊守千把調補俟
其演習精熟遇有拔補千把之時亦俱於火器營
中考選拔補倘拔補之後更能奮志學習弓箭亦
准與各營千把總一同考驗保送如此庶將弁責
成旣專而鎗手亦有上進之路自當人人奮勵練
習益精遇有調遣行走之處無論多寡皆以熟習

之將弁分領所部熟習之兵丁其進退遲速自必
俱能畫一而收輕車熟路之效於軍營似有裨益
但臣愚昧之見是否可行伏祈

皇上睿鑒批示爲此謹

奏

講求武備岳鍾琪平日留心而川省營伍尤其素所練
習與伊詳悉籌酌堪期實效何須遠煩朕之批諭耶

同日又

奏爲據實奏明伏祈

聖鑒事竊臣前摺奏省會地方偷竊與賭博之風未能

聖鑒 盡絕恭奉

硃批諭旨賭博最爲惡習亟應盡力查拏欽此臣隨嚴

飭城守營將弁晝夜查拏自本年四月二十五日

起至今十一月初十日止前後共拏獲竊賊三十

一起賭犯二十五起宰殺耕牛行使假銀拐帶人

口共一十二起俱遵例移交成都府通判及成都

縣審理懲究發落在案臣何敢復行干預但思執

法必貴嚴明源清方能流潔該營兵弁所獲各案

人犯其間情罪虛實固未可執一而科然竊賊或

所奏甚是其窩賭局騙及貨賣賭具等犯分別處分久

係初犯或係再犯三犯賭博或係窩家或係局騙

經定有成例所慮者地方有司賣法輕減耳當言之撫
斷未有人人之罪止於枷責者況臣查閱所獲之
臣令其切加申飭務期照例施行

牌骰少舊多新且各種不一是貨賣賭具之禁尚
未盡除源既不清流何能潔但此皆有司之事臣
不避嫌怨已將此意與撫臣憲德面相商酌惟期
從此犯法者日少一日則上副

聖心下盡臣犬馬之私理合據實

奏明伏祈

皇上睿鑒謹

奏

牧民之官果肯執法懲姦諒亦未有不畏懼者大都褻

玩之生率由日久懈弛有意縱捨所致故禁令之弗行
其咎惟在不公不明而不在不嚴也夫法猶治病之藥
藥取攻疾而已過於峻利則元氣將必大傷知乎此斯
知過猛之不足爲貴矣

同日又

奏爲謹據訪聞陳奏伏祈

睿鑒事竊查川省建昌一路仰仗

聖謨番蠻悉歸版籍善後之策固在安頓得宜然尤必
撫馭得人文武和衷方能使地方永享昇平之福
乃今事竣撤兵之後鎮臣趙儒旣已回署建昌道

劉應鼎已赴省城而建昌附近居民於十月十三
日有生員王尊爵父子及十六日寡婦邢氏母子
攜伴入山樵採先後被賊蠻將尊爵之子王元敬
綁去邢氏之同伴二人砍傷搶去馬匹衣服又生
員陳萃家牛馬被竊如此等事臣訪知未經用兵
以前竟係建昌常有之事今初經剿撫鷹眼未能
遽化所以仍敢逞兇鎮臣雖在勒緝恐猶視爲泛
常臣復飛咨轉飭營員務必追出被綁之人將兇
蠻依法重究以期番蠻從此知上畏

王法不敢仍蹈故轍乃復聞建昌左營專汛地名大水

塘向係中營馬廠撤兵未久卽被賊番三十餘人
黃昏入廠搶去官馬三匹雖經看守之人卽時追
捕將馬匹奪回而兵丁帶傷二人幸皆平復賊番
至今竝未拏獲一人似此放縱若不嚴加懲創何
以革其頑心乃鎮臣趙儒亦止照常飭行查捕竝
未督勒追擒未免示番民以懦軟非所以彈壓新
附邊荒者也臣除專差飛檄嚴飭鎮屬標員勒限
跟追搶馬兇番解究外事關搶奪營馬不敢不據
實將鄉竊等事以及鎮臣懦弱之處一併具摺奏

聞伏祈

皇上睿鑒謹平

奏

覽奏已悉新附地方苗情尚未全馴善後事宜甚屬緊要其竭力整理務期底於安靜諸如此類事件絲毫不可隱諱必以上聞

同日又

奏爲奏明事竊查川省蠻民下壩一事臣前已繕摺

瀆奏凜奉

硃批訓旨隨密商督臣岳鍾琪除作何安頓又復密行咨商俟其覆到酌行外至於今歲下壩者如有滋

事之處已與岳鍾琪面議當以法懲治撫臣憲德亦共相酌定今於本年十月二十八日成都郊外源通橋地方有蠻民數人刀傷成都縣里長被撫標兵丁拏獲現在發審十一月初三日成都東市大街有蠻民三人白晝搶奪帽鋪被城守營兵丁當時擒獲臣隨面商撫臣於本月十一日按法究治矣但臣思城都省會蠻民尚敢如此肆行則偏僻之區豈能斂迹除通飭各鎮協營汎益加竭力查拏外至於省會人烟輳集隆冬火燭尤當預防汝能思及於此可嘉之至如是留心保衛地方方爲不負朕之倚任且聞往年失火多有乘機抄搶之人因飭臣標五

營於城內各巷口派設堆棚三十座每棚撥兵六
名專司巡緝更另派救火兵每營各二十名給以
號衣以便查核其各街面舖戶皆令設桶貯水至
於堆棚所費無幾臣已捐備造蓋足用而城外空
善舉也實力爲之
野之地倣照京營巡捕之法專交城守營派兵分
緝倘有疎虞皆該營專責復與撫臣憲德面商而
撫臣亦於伊所屬標下撥兵添設堆棚十二處以
資巡防此等細事本不敢瑣瀆

聖聰但臣賦性愚昧於所行之事未識允協理合恭摺

奏

聞伏祈

皇上睿鑒謹

奏

此奏朕欣悅覽焉

同日又

奏爲奏

聞事雍正五年十一月初八日准川北鎮臣張成隆咨
報本年十一月初二日有順慶府所屬儀隴縣民
一百餘人扯白旗一面上書難民字樣來至保寧
府城東門外控告該縣知縣鎮臣張成隆委守備

周達前往勸諭各回本業訖等情咨報到臣該臣
竊思如果知縣貪劣上司自有訪聞卽或有冤亦
當赴上司陳告何得扯旗聚衆自干法律除一面
據文移咨撫臣憲德併咨報督臣岳鍾琪一面咨
覆鎮臣張成隆密查此項民人雖已散去但在伊
本縣如係匪類結黨有圍衙逼官及勒索鄉民盤
費口糧等事卽將爲首之人協同文員拏交有司
聽撫臣憲德查審外所有據報儀隴縣民扯旗聚
衆緣由合先具摺奏

聞伏祈

硃批諭旨

十九

黃廷桂

睿鑒謹

奏

此種刁悍之風甚屬藐法傳諭憲德於拏獲之日按律究治以示懲創毋得稍涉寬縱

雍正六年二月十五日四川提督臣黃廷桂謹

奏爲請

旨設立義學以廣

皇仁事竊惟軍營首重武備而文事亦難偏廢臣自抵任以來每見各營備弁以及現在兵丁人材弓馬雖有可觀然於兵馬錢糧冊籍皆假手書吏多有

不能親身查對者揆厥所由皆因自幼無力延師
安於魯鈍者固有其怠忽因循不肯學業者亦復
不少臣沐

聖恩超遷重寄凡可以鼓勵軍營之事臣敢不據實恭
陳冀邀

恩鑒請將臣標五營及城守兩營共設義學四處選擇
本地老成力學之士延請爲師專司訓誨凡係兵
丁子弟如有情願上進習學文藝者一體入學讀
書其每年僱賃學舍節禮修金以及茶水等項四
處約需銀一百餘兩因查得臣衙門原有曠廢教

場一塊業經有司招民開墾按年交納租穀俱爲
成都府縣徵收充爲公用歷有年所臣隨咨商撫
臣而撫臣憲德查明照舊歸臣衙門臣復委員查
看所交租穀一年可得四百餘石請將此項租穀
變價以充每歲義學之需倘有餘剩銀兩卽充公
用如蒙

天恩俞允臣當宣布

皇仁親加鼓舞竝嚴飭各將備實力遵行務期兵丁子

弟踴躍上進均沾實

惠如有混入義學虛應故事者立卽斥出但事關設

立義學臣未敢擅專是否允協伏祈
皇上睿鑒批示遵行謹

奏

義學一事各省提鎮及駐防將軍等往往以此奏請朕
俱未准行從來文武竝爲國家器用不可偏有重輕汝
意專以崇文爲善舉歟子弟讀書一道非魯鈍者所能
須俊秀者方可夫以少年聰穎之資旣習禮儀稍通文
墨猶思荷戈執殳甘爲前驅乎勢必漸染日久胥皆流
爲怯懦將來俊秀者咸不願爲兵而亦不能爲兵矣營
伍中所餘無非魯鈍一流欲求干城之選豈可得哉是

非興文之良策實乃廢武之岐途譬猶驅鄉塾生童教習櫓盾徒誤其文而已武亦終莫能就也似此邀虛名而無實益之舉將焉用之至云營伍錢糧冊籍乏人查對等語因此之故而令闔營俊秀子弟皆至文武兩俱廢棄詎不更謬凡事但宜隨地隨時斟酌損益期於辦理無誤則已何必思及分外創新立異始爲美政耶

同日又

奏爲奏明事竊臣前摺奏建南被擄之王元敬及所搶衣馬等物准鎮臣趙儒咨稱先後俱經追出獨各案番蠻遠颺未獲臣仍嚴飭標員并該管各土

司加緊躡緝務獲去後茲於本年二月十三日接
督臣岳鍾琪疏稿始知已將洮岷協副將王剛
奏明調赴建昌協同趙儒辦理臣查王剛上年進剿
三渡水等處頗著勤勞此番自必益加奮勉諒能
實力奉行臣欽承

慈訓敢不敬慎料理以供臣職俟王剛到川之日臣當
細心商酌併令與鎮臣和衷辦理務期布置得宜
邊方攸賴上報

天恩下盡臣犬馬之私再附近裏塘一帶地方夷人素
行剽奪擾害番民臣經疊次差員化誨乃上年臣

標千總范義奉督臣岳鍾琪委令齎

敕進藏據稟於本年正月初一日行至濫泥壩陡遇賊
蠻百十餘人搶去紬緞銀兩等物千總恐誤日期
隨於初三日起身赴藏所失等項裏塘營官照數
賠還等因稟報前來臣思番蠻如此放縱若不嚴
加懲創示以

國法誠恐沿邊土司俱皆效尤則邊境何由寧謐故
一面飭令化林副將楊大立嚴行查追一面專差
密商督臣而督臣岳鍾琪謂番蠻聚衆搶刦差員
法難姑縱當具摺會

奏請等語並具辭

旨俟出師後卽斟酌調遣附近等處蠻兵併量派官兵

督催以蠻攻蠻分路擒剿等語臣除復致書督臣

聯銜臣不揣再留來省豈肯熟悉火器具陳未論

奏請外合併奏臣等官又非盡由本營辦對尚許

聞伏祈聖鑒不勝其懇臣等官又非盡由本營辦對尚許

皇上睿鑒謹奏

奏臣等密商臣等官又非盡由本營辦對尚許

邊徼地方番蠻故習一時何能驟靖逐漸整理行自斂

迹矣隱諱姑容養姦貽患萬不可者

奏爲奏明事竊臣前奏改設火器營一摺欽遵

硃批卽密商於督臣而督臣岳鍾琪以爲操演之法不

在營兵之分合而在號令之嚴明如果號令畫一

則彼此整肅自不慮其參差況千把等員例無本

營拔補而將弁等官又非盡由本營補授倘有陞

遷去者不能再留來者豈皆熟悉火器是猶未能

畫一也再查各鎮協營皆有鎗手若本標將火器

立一營其餘鎮協亦當另立未免更張多費周

奏折等語臣前具摺

朕言果不謬乎未經閱歷與已經閱歷者原不可同日
奏請原就臣一時見聞所及似有裨益是以冒昧瀆
而語也寡聞少見非獨謂汝為然我君臣惟當以虛衷
奏實未能計及於此相應將密商緣由復行奏

誠念對越

天

聞至於儀隴縣民扯旗聚眾一案臣謹遵

地神明再加勤學好問集思廣益庶克有濟切勿恃才

諭旨密語撫臣憲德矣但查此項為首民人因到川北
自用脫至錯誤所係實匪淺鮮將此諭亦述與憲德知
被阻遂於雍正五年十一月十一日有王玉麟等

之

四名先赴成都控告悉被拏獲其餘首犯臣飭令
專汛將弁協同文職現在陸續拏赴省城監禁質
審復通飭鎮協營路嚴加巡防若遇此等聚眾刁
民即會同有司查明嚴拏毋得疎縱干咎在案茲
於本年二月初二日撫臣憲德向臣面商欲臣轉

飭汎弁協力彈壓臣隨將業已通飭情節備述撫
勉之慎之凡新設地方俱關緊要若非文武員弁各得
其人緩輯有方弗能保寧貼無事也當不時嚴查切諭
無致托故騷擾干預民事臣更留心密訪務期防範無
疎地方寧靖以仰副

聖主懷遠安邊之至意理合一併

奏明伏祈

皇上睿鑒謹

奏

覽

雍正六年三月初十日四川提督臣黃廷桂謹

奏爲奏各道合戰先營救事竊據永寧
聞事竊臣於本年三月初四初八等日先後據永寧協
副將張瑛遵義協副將張玉稟稱烏蒙米貼地方
蠻夷將雲南駐劄官兵殺傷等語臣隨疊次飛檄
永寧遵義兩處將備凡係接連烏蒙各隘口務必
加緊防範協力堵截如遇賊夷偷越卽相機追擒
勿致疎虞干咎更致書督臣岳鍾琪去後復於初
九日戌時接准貴州提臣楊天縱咨稱希卽調遣
官兵堵禦會剿等因到臣查烏蒙米貼等處不
獨附近永寧遙連遵義其後路不數日卽達涼山

此地尤關緊要當卽飛咨建昌鎮臣趙儒嚴飭各該汛將弁善爲約束竭力彈壓併將要隘路口加派弁目不時巡查堵截如雲貴督臣酌定地方會定日期調兵擒剿檄文到日卽將駐防建昌之提標兵四百名木坪土兵四百名就近酌委幹員統領進剿聽候雲督調度其遵義一路雖去夷窠稍遠然界址旣相聯絡臣亦飭令該協量備官兵以資聲援至於永寧汛防遼濶如馬邊建武諸營在間事在逼近烏夷實爲要地臣隨飛檄該協先派步兵五百名飭令建武營遊擊許綿鎮統領在於永寧

烏蒙各緊相接壤之所駐劄小心堵截應援以憑
雲督調遣會剿復嚴飭督率所屬備弁加意巡防
合力查拏再查重慶鎮屬貼近永寧臣亦咨行鎮
臣任國榮速將官兵簡閱整頓以聽檄調會剿而
臣標亦酌派官兵備用其一切事宜復與撫臣憲
德面商據稱應用軍需糧務均照晃山出兵之例
現在備辦臨期支給臣隨專差星馳備商督臣岳
鍾琪計程往返約需十三日俟督臣覆到之日臣
所派各處兵丁及一切馱馬軍裝等項俱已預備
停妥彼時應作何派遣會剿之處督臣自有斟酌

臣卽行遵照調發斷不敢稍有遲誤上厪
天心除將貴州提臣楊天縱來文恭錄

進呈

御覽臣謹會同撫臣憲德合詞奏

聞伏祈

皇上睿鑒謹

奏

覽一切預備機宜已屬妥協雖然寧使備而不用毋致
用而不備此外應更選派兵丁一二千名聽候鄂爾泰
調遣可也

雍正六年四月二十一日四川提督臣黃廷桂謹

奏爲恭謝

天恩事竊臣淺陋無識荷蒙

聖慈鑒宥自宣鎮以至今職無事不諄切

誠諭反覆

提撕則臣之仰承

訓示者已非一日乃臣猶木石爲心徒以一時之褊見

罔計所關之甚巨上瀆

宸聰臣咎何辭又蒙

天心仁恕不卽譴責復加

硃批諭旨

三

黃廷桂

誨導臣敬捧跪讀悚然覺悟恐懼涕零自茲以後惟有

凜遵

諭旨早夜捫心隨時隨地竭力辦理不敢思及分外創

新立異臣謹悉心商酌仍當據實以聞

奏明懇

恩批示庶臣得所遵循不致終身迷惑則臣將來竭

圖報之日皆我

皇上始終生全誨化之

天恩也臣不勝感激悚惶之至理合繕摺

奏謝伏祈

平四月二十一日四川提督臣黃武琳

皇上睿鑒謹

奏

勉之勉之凡人但於清晨出門舉頭看天抵暮就寢以
手捫心如此早夜弗懈則一生之能事畢矣其餘榮辱
得失悉聽

神明默主何必鰓鰓卜度於其間哉要將徼福畏禍是非
毀譽之念置之度外本之以誠矢之以公行己無慚內
省不歉將見根之茂者其實遂膏之沃者其光華動靜
云爲安往而不亨吉也此諭當奉以終身竭力勉之

雍正六年七月初四日四川提督臣黃廷桂謹

硃批諭旨

天

黃廷桂

奏爲欽奉

上諭事雍正六年七月初一日准川陝總督臣岳鍾琪
咨開六月二十五日准兵部咨稱雍正六年六月
十五日內閣鈔出奉

上諭據岳鍾琪黃廷桂奏稱米貼逆夷陸氏已經擒獲
餘黨搜捕指日可竣其四川雷波土司楊明義從前
私遣部落幫助陸氏今又刼奪糧運傷害兵丁竝誘
結附近結覺阿路阿照平底等處苗蠻聚衆妄行罪
惡顯著再吞都千戶德昌私助陸氏土兵與官兵公
然對敵甚爲狂悖均屬不法應請用兵剿除以安輯

苗地等語烏蒙等處兇苗抗拒官兵該督等遣兵進剿今已悉就擒獲而楊明義等當陸氏潛匿之時輒敢朋比隱藏今又刦糧聚衆誠爲法所難宥但用兵關係緊要必須武職大臣統轄方爲妥協著提督黃廷桂卽帶領會剿米貼漢土官兵檄委將弁會期前往仍飭副將張瑛嚴行防範相機擒剿著總兵張耀祖帶領滇黔官兵分路堵截使賊苗四面受敵勿致竄逸著總督岳鍾琪雲南總督鄂爾泰飭總兵趙儒於涼山相通阿路各處嚴加防範再飭總兵張耀祖於各要路委弁巡緝遇有逃逆卽行擒解黃廷桂著

賞銀五千兩張耀祖著賞銀五千兩爲二人行軍賞
賜之用俱於四川司庫內動用支給此番用兵係川
省地方之事進退機宜著張耀祖等聽黃廷桂節制
調遣特諭欽此等因到臣臣謹擬於本月初六日起
程前赴雷波除另疏

題報外竊查雷波阿照阿路結覺平底噶哈等處兇
夷相繼悖叛雖係姻黨相連居址參錯易於潛通
然結覺平底噶哈所轄番部僅計數百蠻戶惟雷
波阿照阿路恃其地廣蠻稠恣意跳梁故楊明義
苗潛逃回巢其部落傷兵綁差之後而阿照阿路卽

煽誘夷類串通結覺平底等逆殺兵截糧是雷波
阿照阿路實首惡巨魁而結覺平底等土蠻皆附
從賊黨也且自雷波以至結覺廣袤將及千里若
不分別夷勢輕重先後逐漸整頓誠恐箐密山深
路徑繁多勢難兼顧不無可虞是以臣先據建昌
鎮臣趙儒致書內稱茲據遊擊沈國卿具稟結覺
初被阿照煽惑遂有阻糧傷兵之舉今情愿捉獻
米貼惡目屋基母雞則是結覺似可網開一面惟
噶哈係陸氏叛黨所聚之地必須剿殺方可了局
士卒之疾病或因今春時氣傳染之故未必即係金江
但行兵夷地糧運艱難金江瘴疫傳染兵多疾病

瘴疫

所致也

斷難久居等語臣查結覺截路阻糧鄉殺兵丁二

十餘名雖被阿照等逆煽誘所致其實逆惡深重

所見

甚此番勦事急始將屋基母雞獻出希圖脫

滇黔

罪竝非傾誠歸順可比斷難寬縱但該鎮既稱路

已續

有旨矣諒茲餘孽川省官兵足可剿除其勉力圖

維朕

十六日撤回止留遊擊康世顯統兵九百名駐防

米貼井底一帶遙為聲援而川省續調官兵猶未

大集則沈國卿等所領建昌一路會剿之兵深入

山險後無接應未免可虞況涼山諸夷潛蓄邪謀

倘乘間生釁難保萬全不便令其輕進臣隨密飭

該將等相機權且准其投獻屋基毋雞竝將現在
綁去兵丁追出再攻打噶哈畢卽退至附近之覺
覺地方催趲糧石休息士馬收拾器械俟續調漢
土官兵齊至更行刻期分兵先將雷波阿照阿路
是當之極甚屬可嘉
勦洗然後問罪結覺平底等處次第掃除庶無兼
顧之虞業將此段情節寄知督臣岳鍾琪矣今欽
奉

恩旨容臣效力復
伊等既已返旆此議似應中止汝審度機宜如必須堵
截鶴麗鎮臣張耀祖會同堵截俾賊苗四面受敵無所
截方無竄逸之虞再行知會鄂爾泰可也
逃匿仰見我

皇上睿慮精詳至周至當臣等謹遵

聖謨仰仗

天威勦此逆孽整頓自易至於續調官兵齊集應作何

甚屬艱難倘兩省推諉反於事無益會同之舉可以弗

庸臣及軍前諸將悉心酌定再行馳

奏其吞都德昌尚未就擒據副將張瑛呈報現獲伊

此語未確務宜窮究真實不可令其漏網據張耀祖等

之奏惟稱德昌逸脫未獲耳萬勿稍有疎畧朕觀川省

兵弁不及滇黔遠甚當申明賞罰以鼓勵之

咎理合將先勦雷波阿照阿路後攻結覺平底各

緣由一併繕摺奏

聞伏祈

皇上睿鑒謹

奏

覽

同日又

奏爲恭請

聖訓以便遵行事竊臣知識短淺仰荷

慈鑒受事以來疊加

誨諭臣乃得以兢兢自勉茲值兇番悖逆干犯

國典復蒙我

皇上隆恩俾臣効力行間臣自揣何人膺茲重寄敢不殫厥心力益圖報效但軍旅大事關係非輕據臣駑鈍所及即使詳慎辦理斷難有當臣撫心自問恐懼實深惟有仰懇

天恩俯鑒臣愚

指示方畧俾臣有所遵循得以綏靖苗方使之永遠寧謐以上副

聖主奠安邊境之至意謹

奏

惟以忠誠二字感格
神明則所向必克所作皆成運籌決勝豈可徒恃兵威要
須合一是字對越
本
日
對
越
軍
情
數
採
善
戰
各
天
地
諸
凡
莫
不
協
吉
矣
務
廣
大
信
大
仁
勿
施
小
術
小
智
此
爲
用
兵
之
本
朕
所
深
知
者
至
於
攻
圍
之
要
剿
撫
之
宜
地
方
之
情
形
將
弁
之
材
技
在
汝
相
機
調
度
朕
不
能
一
一
訓
諭
也
勉
之

雍正六年九月十八日四川提督臣黃廷桂謹

奏爲仰賴

聖謨恭報捷音事竊臣自雷波起營於八月二十九日

殊批諭旨

三

黃廷桂

卽抵谷堆隨據遊擊許連科沈國卿王安民等先
後稟稱訊據所獲夷獍俱供首惡楊明義現在拉
密地方糾衆守險距杵脚天喜哈都魯等處均有
二三日路程等語當卽分遣遊擊許連科沈國卿
帶兵從哈都魯前進遊擊鄂世威統兵自杵脚前
進守備王勇率兵自天喜前進連夜兼程併力直
搗拉密臣復尾至附近拉密之松溪一帶不時督
催策應茲於本月十七日據遊擊許連科等連名
申報職等奉令緝捕首惡途次雙腦箐口賊蠻依
山創立木城拒敵職等督令官兵攻擊一晝夜打

破賊復沿途接戰俱被官兵擊敗追至拉密職等
見山大箐密竝無路徑首惡易於潛藏隨派兵先
將各處要隘截斷更率兵步進攢入深林沿山沿
箐窮搜凡遇賊蠻悉行擒斬乃於十五日在拉密
隔河後山崖洞之內將拉密兇目魯底殺死其首
惡楊明義亦卽於十六日早擒獲應行解赴大營
等因到臣臣隨羈禁行營委員嚴加看守但臣於
未獲楊明義之先卽密探得結覺兇番見雷波等
逆被勦自知不免現在招誘阿照阿路各處逸賊
糾聚甚衆凡係進兵道路俱預先截斷擺立插石

意與官兵拒敵今首惡楊明義旣於拉密就縛查
拉密兵行不過數日卽達結覺自應卽行剿滅以
彰

國法臣謹親率官兵與肅州鎮臣王剛分路前進會
期於本月二十六日齊至結覺山頂四路合攻復
飛咨建昌鎮臣趙儒於平底等處分兵堵截不容
兔脫俟臣整頓結覺之後應作何分兵剿撫餘黨
及掃除確里密等處賊夷臣更另爲具

奏再臣先據沙氏供稱從前雷波造謀糾衆殺兵綁
差皆係卑租爲首等語似此則卑租實屬不法之

渠魁斷難疎縱臣隨遣遊擊張朝良帶領弁兵搜捕已於本月初七日在得磨加各箐內拏獲其助逆惡目業姑物租等亦各先後被擒至各路官兵進剿所至之處臣查驗斬獲甚衆官兵仰仗天威均獲平穩合并奏

聞伏祈

睿鑒謹

奏

據奏首惡渠魁陸續被擒朕嘉悅覽焉剿撫餘孽勿涉輕率詳慎爲之

雍正六年十月初五日四川提督臣黃廷桂謹

奏爲仰賴

聖謨恭報捷音事竊臣前將擒獲首惡楊明義及會期進攻結覺各緣由業經繕摺

奏明臣隨於二十六日與肅州鎮臣王剛率兵各集結覺山頂臣相度形勢週圍約有二百餘里其中山峰矗立懸岩深箐所在皆是然各山緊要路口臣先已派兵嚴密把截而建昌鎮臣趙儒亦親身統兵將上下河口守住臣於次早督催官兵分五路攻入賊蠻憑恃水城沿途拒守悉被官兵擊敗

直抵夷窠賊首雙尺先期遁匿臣令嚴訊所獲蠻
獠據供雙尺現在結覺老箐之後地名仙人山聚
衆守險而遊擊許連科同守備王勇率領弁兵跟
追臣復尾進策應行抵半山卽雪霧迷漫不辨路
徑恍見賊蠻盤踞山巔施放矢石阻遏拒敵臣飭
令遊擊許連科守備王勇督兵分兩翼奮勇爬岩
仰攻三晝夜克取仙人山弋獲甚衆其賊首雙尺
由岩邊滾入深溝攢箐潛藏臣令嚴訊蠻獠據供
溝內一路可通阿車撥卧高山一路可通網兜橋
河口查阿車撥卧臣於未經進攻之先已調遊擊

鄂世威統兵駐劄堵截隨飛檄該遊擊於要隘處
所晝夜查拏卽派兵從阿車撥卧山岩搜入溝內
兩頭官兵合力緝捕乃於初四日更餘據遊擊鄂
世威許連科守備王勇等報稱在岩坎密林之內
搜遇賊首雙尺隨帶夷獮仍敢拒敵被官兵圍住
射傷迎面小腹伊復拔刀拒捕又被官兵戳傷大
腿面及刀傷兩膀跌倒被擒緣受傷甚重逾時殞
命應卽梟首解赴大營等因到臣臣思賊首雖擒
其西北一面叢箐山洞之中餘黨潛伏尚多今仍
應遣兵入箐窮搜更飭各處把截路口弁兵愈加

嚴密毋許疎懈務期兇番悉皆擒斬以昭國法所有剿除結覺賊蠻緣由理合繕摺

奏報伏祈

睿鑒謹

奏

覽奏斬獲情形何啻獵人弋捕禽獸倘兵退之後仍復如故則將如之何亦豈有盡行殺戮不留噍類之理乎恐結恨愈深抗頑益固內地黎庶將來受害無已時矣朕甚憂之當詳思善於措置之道爲要

奏同日又

奏爲奏

聞事雍正六年十月初二日三更時據建昌鎮臣趙儒
赴營面語據建昌聽差熟夷磨車供稱小的奉差
至拖科拖覺囉阿乃阿都四處催夫運糧先至阿
乃家催夫二十五日轉至阿都布特地方遇見相
連阿驢地方地名易麼住的黑骨頭兩箇一箇叫
阿必一箇叫加樂來布特勾約阿都土司聚姑阿
奏必二人說今雲南官兵被阿驢的人已傷了好些
因搶下多少東西我們二人到阿驢家討帳得兩箇
人如今約你同我們去幫阿驢有阿都土司向二

人說這事萬作不得天在頭上有阿都土司婦人
聞聽就大罵阿必加樂二人又聽得阿必二人向
阿都土司聚姑說前雲南官兵去時派夫一百名
阿驢官親帶送至郎簡者地方雲南官兵將夫子
一百名并阿驢土官拴住阿驢土官的娘急了纔
調郎簡者夷人串同隨雲南官兵來阿支瓦薩二
枝夷兵併附近阿驢地方一吽奈結業易麼夷人
幫助阿驢乘夜將雲南官兵圍住傷了許多有營
盤三箇不見了兩箇止有一箇今現被蠻人圍住
郎簡者一吽奈阿支瓦薩四枝俱係雲南管的易

麼結業是四川管的阿必二人又說將金沙江索
橋船隻都被蠻人砍了等語臣聞之不勝駭異竊
思臣於八月二十八日未抵谷堆之先途次欽奉
上諭緣彼時各路進剿官兵尚未會合道路不通不知
滇黔官兵渡江與否臣卽遵

旨將欽奉

上諭緣由飛咨鶴麗鎮臣張耀祖及雲貴督臣鄂爾泰
在案及臣已抵松溪又移駐魚紅乃於九月十五
日據尋甯營叅將哈元生專差畢赤營把總胡亮
持文具報於九月初六日已至阿驢交界阿路嗎

地方駐劄且稱沿途經過阿驢等處俱係該將年
前奉委勦撫烏蒙招安夷獮無不匍匐歸誠該將
仍賞給花紅牛酒更稱江水泛漲難於輓運伏祈
催督糧運暫爲接濟等因到臣臣隨一面檄行該
將迅卽撤回一面嚴催建昌糧務寧遠府知府杜
士秀速運軍糈赴該將行營接濟嗣於九月二十
五日據尋霑營叅將哈元生報稱於二十一日辰
時率兵自阿驢交界起營撤回復據寧遠府知府
杜士秀稟稱業經撥運口糧前往叅將哈元生行
營接濟各等因到臣則是該將已經撤回且所帶

官兵二千餘員名兵勢甚衆何致突生意外但旣
稱該將等被困自應卽行救援臣經派遣官兵七
百餘員名飭遊擊潘光燦張朝良統領裹糧於初
三日黎明由沙罵下方兼程探聽前往復將現在
附近搜勦結覺之漢土官兵酌撤八百名飭遊擊
沈國卿帶領隨肅州鎮臣王剛於初四日尾進策
應臣更面語鎮臣一路小心差探俟探明回報之
日臣再卽行馳

奏至所稱幫兵之易麼結業兇番係四川所管臣面
語建昌鎮臣趙儒密查去訖統俟查覆之日一併

奏

其無辜繪苗與奔獻良貪文喻富濟營願宋
聞臣除將此段情節飛咨雲貴督臣及鶴麗鎮臣烏蒙
鎮臣外理合

奏明伏祈

聖鑒謹

奏

朕料此事或恐未確汝等分兵策應亦所當然但思逆
苗冥頑無識愍不畏死大兵一臨則抱頭鼠竄王師甫
退仍肆行刦殺怙終不悛莫此爲甚必如何措置方爲
一勞永逸之策當悉心籌畫不可輕率從事其中情僞

尤不可絲毫隱諱勉爲之

雍正六年十月十三日四川提督臣黃廷桂謹

奏爲奏明事竊查雷波阿照結覺等逆恃其山險勾

連不法臣奉

命統兵剿除惡夷仰荷

廟算臣於未抵馬湖之前德昌卽被擒獲復自八月十

二等日進剿以來首惡楊明義渠魁卑租相繼就

縛其結覺賊首雙尺亦尋被戮統計斬殺兇番將

軍中積習每多虛申首虜之數張大其辭者意在示威

於敵而已此番剿撫原爲除暴安良起見乃係不得已

平其無辜餘苗現在攜兒負女匍匐行營願求免

之舉斬殺之慘實不忍聞於具疏題報時務須詳加審

死者業經千有餘戶臣俱仰體

覈母

俾將弁任意虛冒

皇仁給以白旗安插住牧至於附近黃螂之吞姑力確

里密等處原屬德昌枝夷其確里密頭人女枯係
動手殺傷雲南官兵要犯臣於得磨加各箐內搜
獲業經解交滇省而吞姑力等處惡夷曾將漢民
朱三掠買爲奴不肯獻出復擺立牯石意在抗敵
悉難寬宥查黃螂海腦壩箐口牛吃水雷波諸處
地險箐深統應留兵駐防約需兵一千五百名方
資彈壓臣更加派兵丁五百名委遊擊鄂世威統
領前赴雷波交遵義協副將張玉就近督催分路

攻打確里密等處俟底定後仍飭遵義協副將張
玉於黃螂雷波一帶留兵一千五百名分布小心
駐劄防範其餘沿途留守官兵臣現在檄撤回營
以便併力剪除阿驢惟是阿驢拖科覺呢阿都諸
番結黨恃衆不法而阿都尤稱强悍其所屬部落
卽散處涼山半壁將來掃除諸夷必須分路合攻
使賊苗四面受敵方合機宜仍當步步留兵防護
糧運乃無後慮計臣原帶進剿官兵八千餘名除
交遵義協副將張玉統領官兵二千名再駐防吞
都及建昌一路安臺隨運併抱病之兵外實有兵

五千餘名似覺不足調遣臣謹專差就近將建昌所屬之瓜別等處土兵檄調一千五百名馳赴軍前聽用計程往返約需三十餘日此時臣謹擬會同滇黔官兵先將阿驢拖科覺哂賊蠻約期迅卽剿除俟料理已竣彼時臣所調瓜別等處土兵齊集再相機分布合勢整頓阿都庶無兼顧之虞但阿都族類雄長諸番素行黠傲今旣同惡作姦豈肯安然以處臣已派遣官兵四百名先至覺覺地方防其滋事併議建昌鎮臣趙儒統兵速赴竹核撫綏附近一帶番蠻兼以好語羈縻阿都使之觀

望住牧以便先勦阿驢拖科覺哂逆夷謹繕摺奏

聞伏祈

睿鑒謹

奏

佈置甚屬允協嘉悅覽焉諸凡總宜慎重毋得稍涉疎
畧卽如哈元生豈非輕忽之所致耶觀逆苗情狀如惡
獸然善後之策與張耀祖王剛哈元生等悉心籌畫其
間脫有不得已之情一一據實奏請毋得絲毫隱飾至
於煽誘愚苗肆行不法之漢姦輩最爲可惡當嚴緝究
懲勿令漏網值此隆冬兵弁觸冒霜雪勦力行間朕心

深爲惻然其加意拊循以副朕體恤之意

雍正六年十二月十六日四川提督臣黃廷桂謹
奏爲仰賴

聖謨苗方底定恭報大捷事竊臣前將派兵委遵義協
副將張玉統領進攻確里密等處情由曾經具摺
奏明茲據該協報稱卑職奉令先遣黃螂土司國保
之弟木姑持旗招諭往返數次無如惡夷頑梗不
從乃派調官兵督勵進攻連破九碉其兇目利耶
已被鎗礮擊死追出雲南援剿右協兵丁一名董
朝相併漢民陳國良楊么等其餘蠻苗俱已誨化

安插回業等因到臣查番蠻跳梁滋事固宜嚴
加懲創而其中如有稍知順逆不敢爲非者尤當
仰體

聖主好生之德撫慰安輯俾惡者知儆而善者益勸查

阿路夷類阿路係其總名中間枝派繁雜除附近

結覺住居之阿路賊蠻魯佩與結覺賊首雙尺旣

係姻親又許幫兵助惡業經緝獲解交撫臣憲德

收審其餘阿路番部皆係無辜靡不匍匐投降懇

請願爲

天朝百姓臣察其誠切俱仰體

皇仁賞賚安插示以生全之恩鼓其維新之氣併將先
前藏匿山箐被獲之各枝番蠻婦稚四百餘名口
給回完聚及臣撤赴竹核俟肅州鎮臣王剛與鶴
麗鎮臣張耀祖會同約期之際復就近將阿路密
坡罵家等夷調至臣營宣布

國威彰明禁約因其蠻俗使之打狗鑽牛歆血盟誓
不敢爲非取有各枝永遠無事木刻甘結今確里
密等處業已勦定而雷波阿照一帶苗民又經招
出其伙頭等齊集臣營投見臣重賞開導曉以禍
福亦令其鑽牛盟誓刻立木信慰遣回巢統計前

後招撫夷獮共一千五百九十六戶現俱隨地安
插住牧訖所有雷波一案軍務已竣臣除移咨督

臣岳鍾琪

題報外合先繕摺奏

聞伏祈

聖鑒謹

奏

覽奏俱悉前諭汝等籌畫善後事宜最爲要務其更加
詳思審計具奏以聞

同日又

奏爲奏

聞事伏查番蠻蠢頑無知竟敢擅行滋事實多由於漢
姦騙誘唆使之所致蓋蠻方多不產鹽卽偶有產
鹽之區苗民不知煎熬每苦淡食其所衣粗細布
疋亦未能紡織故鹽布二項往往仰資於內地乃
不法之劣衿土棍利其所有恣意愚弄先以甘言
誑惑與之結好始尚公平交易繼則託言熟識暫
爾賒借日積月累終不與值蠻人索討前欠非避
匿不見卽肆口橫誣反遭毒打以致蠻人屈抑莫
可誰何遂憤悶不平伏路要截甚至土棍習熟夷

路改扮夷糴私行夷地捏言聳動射取財物一時
蠻類訛傳騷擾不寧種種不法難以悉數誠如

上諭漢姦輩最爲可惡臣前在結覺正在查追沙罵下

方漢民之際突有姦徒賈榮乘運糧之便走入沙

罵謠言恐嚇迫出漢民大兵就要來勦沙罵等語

致蠻人聞風驚擾惶懼弗寧而漢姦李昆乘勢遂

詐沙罵夷目銀一兩蠻小子一口臣比卽訪聞鎖

鈕至營公同沙罵夷目質對俯首無辭隨以軍法

重處追還所詐銀物更飭交寧遠府知府杜士秀

重懲積惡何以頓除臣凜奉

諭旨森嚴敢不益加留心密訪查拏一面奏

聞一面移交有司照例治罪庶幾除一儆百而邊方無
啓釁之端小民得以享寧謐之福也理合繕摺具

奏伏祈

睿鑒謹

奏

似此希圖小利非主謀唆使可比自又當一論也至若
不逞之徒或深潛苗窟或乘機遠逸俱未可定當詳加

硃批諭旨

哭

黃廷桂

搜查毋致疎漏

雍正七年正月初八日四川提督臣黃廷桂謹

奏爲分剿逆蠻仰仗

天威擒獲賊首恭報大捷事竊臣於雍正六年十一月

內派遣官兵進攻阿都之阿不羅曾經繕摺

奏明隨於十一月十四十五等日各路官兵先後會

合拖脚底臣當卽分兵二千名交肅州鎮臣王剛

督令攻打阿不羅臣駐劄拖脚底總口爲之聲援

策應嗣於本月二十三日准鎮臣王剛咨稱已將

阿不羅攻開連日嚴搜其拉金阿必加樂覺過等

犯并無蹤跡等因到臣臣思賊蠻姦狡異常或聞
大兵進攻阿不羅諸犯仍復各返故穴藏匿亦未
可定且詢據阿都土目聚姑供稱阿都番部悉皆
害怕俱情願出降等語臣隨將王剛檄撤回營派
兵二千名交建昌鎮臣趙儒統率駐阿都之布特
地方乘機招撫諸苗併設法誘擒阿必別哺加樂
二犯臣更派遣官兵一千二百名飭遊擊沈國卿
帶領前赴拖科誘擒賊首覺過併招撫餘苗以分
其勢臣與王剛帶兵於十一月二十七日撤至紐
姑適中之地駐劄應援隨於十二月初八日准鎮

臣趙儒咨稱於十二月初一初二等日將各枝遠
近蠻人招撫俱赴本鎮行營投見本鎮面加開導
衆夷省悟感激打狗鑽皮盟誓嗣後不敢滋事情
願尋獻阿必別哺加樂本鎮復加曉諭各夷歡欣
分頭去訖於本月初六初七等日果將阿必別哺
加樂并阿必之子迫脇來營本鎮訊明確實立即
擒縛於初八日專差押解等因到臣而趙儒亦於
是日撤赴臣營臣等隨於次日欽遵
諭旨齊赴阿驢拖科適中處所與鶴麗鎮臣張耀祖及
叅將哈元生公同會議併將所獲阿必等犯交明

張耀祖收禁訖而賊首覺過終負固遁匿不出臣
議留王剛駐劄拖科督兵嚴拏務期必獲臣於十
二月二十三日同趙儒仍回紐姑彈壓新附一帶
番猺茲於本年正月初六日准鎮臣王剛咨稱本
鎮督勵官兵晝夜窮搜於正月初五日將賊首覺
過圍住兇番仍敢拒捕被官兵奮勇向前擊斬蠻
賊子弟二人立將覺過砍倒擒縛因受傷甚重隨
於次日殞命應卽梟首解報等因到臣臣查野蠻
頑梗跳梁仰賴

天威遠臨渠魁次第就縛其阿都無辜餘苗臣等宣布

皇仁已皆安插惟拖科覺過被獲伏辜地方乏人管理

臣等會商飭委沙馬土司安偉威就近管轄所有
前奏阿驢土目之母起意偷割哈元生行營摺內未見
分勦阿驢等逆一案軍務已竣但查建昌沿邊要
聲明何也

監經督臣岳鍾琪於仰仗

天威案內奏請安設營汛防範周密惟西溪地方東連

利呃南距披砂路通阿都番蠻出沒不常止有建
西溪果屬要隘即增至二百名仍恐不敷控制朕之見
昌左營兵丁七十名駐防似覺不足控制臣等會
如是汝等再加斟酌

商於建昌鎮標左營抽撥兵丁一百三十名共足

二百名即令左營守備帶領添防西溪暫資彈壓

其餘鎮協漢土官兵俱於正月初十日分撤回汛

臣亦於是日起營回署除移咨督臣岳鍾琪具

題外合先一併繕摺奏

聞伏祈

聖鑒謹

奏

此番底定之功仰荷

上天垂庇

聖祖錫祐兼賴汝等提鎮大臣及將弁兵丁胥能效忠奮
勇之所致也朕深爲嘉悅具題到日有旨

同日又

硃批諭旨

晃

黃廷桂

奏爲敬陳苗疆地方情形仰祈

睿鑒事竊臣荷蒙

皇上天恩委以軍旅重任凡係攻山克洞進剿經由之地近則相度形勢臣必親勵官兵遠則遣將先行臣卽尾後策應所有一切道里險塞苗情悍惡臣旣得諸目擊復查詢確切謹據實縷書恭陳

天聽查黃螂貼近內地介在石角雷波之間金江環遶儼然要衝過此則箐口雷波卽惡司楊明義住牧之所也襟山帶河頗據形勢與米貼井底吞都數處僅隔一江夷類往往越江連姻故江外有事而

江內煽動不無藏姦匿叛之弊由千萬貫以下至
谷堆天喜哈都魯魚紅一帶皆雷波部夷阿照巢
穴地廣蠻稠四圍層山密箐茫無涯際其右則遙
通馬邊營汛接壤大赤口諸夷其左則相連陸氏
隔江管轄之噶哈百足惟結覺僻處一方山勢奇
險乃涼山第一奧區緊靠沙罵界連平抵而阿路
阿蘇密波諸蠻復與阿照犬牙錯處直達竹核臣
於竹核週覽形勢遍詢土蠻始知竹核距建昌尚
有三百餘里東通沙罵膩乃東南通拖科拖脚罵
黑西南通覺哂阿都阿乃披砂一帶西通阿史利

厄河東河西北通普雄上下沈渣老虎各種夷類
萬番出沒誠係四通之區及進抵阿都其地廣濶
約計方圓二千餘里族屬繁衍畜牧蕃庶遠勝諸
苗故涼山部落最强首稱阿都次乃阿照沙罵阿
史沈渣利厄餘不過瓜分派別之枝夷也然種類
雖雜其飲食服物性情好尚亦各約畧相同總緣
棲止山窟從古未沾聲教以苦麪爲食以氊衫爲
衣垢面蓬頭不類人形且滾箐爬崖是其長技出
入必佩刃自衛一語不合一事反目卽兩相刳殺
非蠻婦從中解忿仇復終無了期未嘗不刀耕火

種墾田食力苟偷盜綁掠有利可圖不難一呼齊
集挺刃爭先其土官與黑骨頭等名雖主僕實各
司其人互相雄長又同坐共食毫無上下之分平
居似屬漠然一遇土官有事則必糾合姻婭攢議
幫兵復打狗鑽皮滴血聚飲名曰齊心酒一時恣
觀其同類齊心糾合事後尚不相顧則前此面對趙儒
意跳梁無所忌憚及事後始知畏懼仍各不相顧
之盟誓尤不足信矣
至若懷姦挾詐反覆無常兵進則鼠竄兵退則鴟
張尤屬狂誕臣受

恩深重職任邊疆經歷涼山目擊番情蠢悍措置匪易
敢不時刻留心詳求其可以轉移之機徐議夫整

飭化導之方蓋苗雖冥頑亦因隔絕漢境不聞禮
義不知法令若究其本心未有不願趨吉避凶轉
禍爲福者今雷波阿都等逆踵行忒肆仰賴

宸謨指示渠魁悉皆就縛無辜得以安插其出窟投降
苗民臣每親身接見開誠誨諭則經此一番懲創
之後自爾知所鑒戒稍斂邪心再勘明沿邊衝要
重地設營控制防其蠢動撫綏得人駕馭有方縱
其鼠竊狗偷未能驟期禁絕而日漸月摩久自相
安於無事但一切善後事宜關係重大臣知識短
淺何敢冒昧輕率容臣熟思集議悉心籌畫更與

督臣岳鍾琪撫臣憲德會商酌定再爲請
旨遵行理合先將地方情形繕摺奏

聞伏祈

皇上睿鑒謹

奏

番俗苗情歷歷如繪絲毫無隱朕甚嘉之惟善後一著
最爲要務殫心竭力共相籌酌必得良策庶冀永寧

雍正七年二月二十四日四川提督臣黃廷桂謹
奏爲奏

聞事竊臣前自紐姑撤兵回署於正月十四日途次准

硃批諭旨

聖

黃廷桂

開事督臣岳鍾琪咨開奉

上諭據岳鍾琪奏稱達賴喇嘛自藏起程明年二月初
可至裏塘此地原有喇嘛寺院可以居住其防護之
官兵今議派重慶鎮臣任國榮前赴裏塘統領卽將
四川進藏凱旋馬步兵丁內挑選二千名并酌留員
弁駐劄等語著照岳鍾琪所請令任國榮前往帶領
進藏兵丁二千名暫駐裏塘防護將來如何酌量派
換再暫駐之弁兵等天寒路遠效力勤勞應加賞賚
以示軫念著岳鍾琪一併分別定議具奏達賴喇嘛
初至裏塘凡藏內所有什物未能卽到其初來之供

給著預爲辦理支給任國榮旣往裏塘駐劄其重慶
總兵印務甚屬緊要著岳鍾琪委員署理欽此等因
到臣伏查川省原派進藏兵丁四千名內除駐藏
兵丁一千名沿途安站兵丁五百名派赴巴塘進
剿賊番兵丁四百名外惟餘駐劄類伍齊撤回之
兵丁二千名應交鎮臣任國榮統率前赴裏塘遵
旨駐劄防護但卷查龍安營叅將李棟報稱遊擊常力
行帶官兵七百九十員名於十一月二十八日自
類伍齊先行卑職續於二十九日帶領官兵共一
千二百三十七員名起程由霍耳甘孜一路回川

等情臣彼時計程扣算撤回兵丁已將入口若任其回汛另行酌派不但製辦行李購買馱載糜費殊多且川省鎮協營路距省寫遠一經派調兵丁勢必按汛分撥動需累月始可齊集曠日經時緩不及待不便更派隨專員持令沿途先行止兵臣復兼程繼進節次路遇撤回兵丁已至黎雅邛州一帶當經逐處傳集宣布

聖心矜恤

賞賚優渥至再至三併曉以暫駐裏塘緣由而標鎮協營兵丁無不歡欣踴躍願往報效更專差飛催重

慶鎮臣任國榮統領前往俱經咨明督臣在案惟是入口兵丁往返將及一載途間風雨無時臣目擊所帶帳房悉皆損壞隨飭令臣標中軍叅將張聖學備辦帳四百頂及火藥鉛彈等項齊全已雇覓馱載委員解送軍前分散各兵以資駐劄理合將官兵歡欣願往及臣辦理情由一併繕摺

奏明伏祈

聖鑒謹

奏

辦理妥協殊屬可嘉但念官兵甫從西藏遠歸若令久

硃批諭旨

黃

黃廷桂

駐裏塘朕心深爲不忍作何派調更換之處與督臣岳鍾琪商定請旨遵行此際雖云暫戍一切需用之資從優賞給務須充裕以慰朕體恤將士之意少有欠缺致令躊躇責歸於汝也

雍正七年四月十一日四川提督臣黃廷桂四川

巡撫臣憲德謹

奏爲奏明事雍正七年四月初九日據夔州協副將杜蔚報稱據駐防建始縣把總劉朝龍呈具報狀向懷明向仲貴等報爲族惡私受夷職不遵

國法闔族公報事蟻等係後里五花寨民自始祖以

來未有不遵法律今陡出惡棍向仲乾向仲明向
仲試家富萬金賄通土司寫立私結幹授官職領
訖在家勢膽包天與容美土司往往私議蟻若隱
匿不報恐連累族人遭害等語據此隨追取委劄
三張相應呈齎復據夔州府知府周彬稟稱去年
十二月內聞得卑府屬之建始縣邊界地方有容
美土司差土遊擊一員帶領土人至該縣交界地
方徵收銀兩卑府隨卽星差密查去後茲據去差
回稱小的等蒙差密查容美土司之事到彼未見
其人但查得建始縣與容美土司交界處所有粟

穀壩馬水河安樂井等處地方俱係建民居住每
戶納該土司銀二三錢以至七八錢不等名爲春
花二絲每年該土司差人按戶徵收居民如不上
納卽遭凌虐等語相應稟明又據巫山營遊擊趙
大貴稟稱據中軍守備李世忠稟據防汛兵目報
稱十一月內有容美司差副爺黃大方竝千把等
騎騾馬四隻共帶十人強過塘汛小的等阻留逐
回伊等揚言俱是他的地方到彼百姓人家收絲
花各村民戶敢怒而不敢言理合具報等情隨飭
行守備李世忠轉行專汛把總劉朝龍密查去後

東
茲據該弁回稱十一月內土差十人帶有騾馬四
隻來收絲花副爺千把是土司給有土目委牌塘
汛不敢擅放當經逐回等情前來理合具稟等因
到臣等該臣等細閱劄票語多狂肆且濫假名器
任意妄爲查向仲乾等係川東民人容美係湖北
土司隔省私相授受夷職均干法律況該土司仰
沐

皇恩深重分宜謹飭安靜何得越界苛斂騷擾居民種
種多事中懷叵測臣等再四商酌蓋緣容美土司
田旻如爲人狡猾富强甲於諸夷旣經追取所委

夷劄諒必自有聞知臣等若卽咨明湖北督撫提
臣查究併拘拏向仲乾等審訊或恐容美土司疑
皇恩畏由此激生事端未便冒昧根究臣等不敢隱蔽
除密寄知督臣岳鍾琪外理合據實奏

聞伏祈 聖恩訓示遵行謹

奏

楚蜀各土司中惟容美最爲富强緣自前明官吏玩愒
弛縱遂致越分僭禮相沿成習迄今尚未改也地方大
吏應曉以大義漸令革除若據濫給委牌科斂絲花等

款卽坐以狂悖之罪似屬太過已密諭楚督邁柱令其嚴飭田旻如矣汝等慮其疑畏不遽根究之意甚是

四川提督臣黃廷桂謹

奏爲密奏事竊照駐藏鑾儀使臣周瑛抵藏之後竟於川省兵丁隊中擇其能唱亂彈者攢湊成班各令分任脚色以藏布製造戲衣不時粧扮歌唱以供笑樂甚失軍容且與副都統臣邁祿意見不睦時有爭執以致臣標後營遊擊馬良柱無所凜畏專事迎合而該將駐劄處所容留蠻娼出入男婦雜沓聲名狼籍臣恐遙聞未確值陝西花馬池副

將惠延祖凱旋至省臣密詢果否有無其事據稟
與臣所聞無異又化林協副將楊大立進省謁見
臣更加細問所稟亦同臣不敢蔽匿理合據實密
奏伏祈樂甚大軍容且與福瑞孫輩意良不報
睿鑒謹奏

異哉周瑛如是得止乖張誠爲朕所不解矣凡有見聞
似此據實無隱深爲可嘉但滿兵自藏旋歸作踐地方
何故不以奏聞耶

同日又

奏爲奏明事竊查進剿瞻對賊蠻一案因遊擊高奮志所帶漢兵無幾先經督臣岳鍾琪檄飭遊擊常力行帶領駐防裏塘兵丁一千名星赴瞻對會兵剿除等因繼准

欽差部臣查郎阿將進剿桑阿那漢漢土官兵調赴瞻對併力合剿又派陝西兵丁五百名委守備郎兆龍等帶領護運軍糧各等因咨稱業經

奏明在案惟是軍務重大必得大員節制經臣咨商督臣岳鍾琪令駐防裏塘之重慶鎮臣任國榮就近總統以便早奏捷音嗣准督臣移覆應如來咨

臣隨移行該鎮遵照亦在案但查守備吳鎮所領
巴塘礮格及遊擊高奮志所帶裏塘瓦述霍耳等
處土兵情形怯懦且與瞻對賊蠻多係姻親往往
瞻顧不前無益兵機是以高奮志吳鎮等復聯名
堅請檄調木坪瓦寺等處土兵一千名賊巢立即
可破賊蠻自能授首其瓦寺等處土兵口糧鹽菜
當於瓦述礮格各處土兵老弱內裁去三千五百
名以裁出之口糧卽抵瓦寺各處土兵需用現今
柴草俱爲餘賊燒燬兼之雪深數尺必待春草漸
生瓦寺等處土兵亦至方能前進等情隨一面就

近檄飭瓦寺土司揀選土兵四百名木坪土司預
備土兵六百名收拾器械齊全聽候調用一面專
差馳商督臣岳鍾琪茲准督臣移覆准予調換土
兵一千名臣除委員分路率領星往瞻對併將各
土兵所需帳房鑼鍋等項雇覓馱載專員護送軍
前以資進剿并咨明鎮臣任國榮查照外理合繕
摺

奏明伏祈

睿鑒謹

奏

硃批諭旨

堯

黃廷桂

覽奏知道了瞻對雖微亦不可輕視凡事槩以敬慎處之方能獲邀

上天之庇佑也

雍正七年七月初十日四川提督臣黃廷桂謹

奏爲據實陳明仰祈聖鑒事竊照化林協副將楊大立諭令明正土司代買石鍋等物一案臣等欽遵率同該土司親往該土司代買上諭查實原無勒買及短發價值情弊但不宜擅出硃

帖業經照律會疏

題叅惟是楊大立自奉戮土司四百石木料土司所

旨補授化林協後臣卽留心訪察見其辦事明白操守
清潔頗能整飭營伍及奉派進藏凱旋至省時臣
復面詢署督臣查郎阿該協進藏往返沿途行走
如何之處據稱約束弁兵實屬小心勤慎堪資臂
指等語且該協年力精壯正可勉勵造就臣於
題叅後更加密訪委係可用之才臣不敢因其擅出
硃帖一事遂爾沒其所長理合據實奏

聞伏祈

恩鑒爲此謹

奏

硃批諭旨

卒

黃廷桂

豈待汝奏朕早有旨矣料楊大立未必忍負拔擢之恩也

聞大同日又

奏爲奏明事竊臣前密奏鑾儀使臣周瑛一摺奉有硃批諭旨臣跪讀之下彌切感激惶懼伏思臣賦性愚天恩高厚超拔重任夙夜思維惟知仰賴謹與資贊皇上勉圖報效復何所避忌何所徇隱且協領莫爾渾統兵無律是其自取罪戾詎雖下愚何敢徇庇莫

旨爾渾上負外臣明留心稽察具其轉事即白其

隆恩實因撫臣究擬咨明臣以該管處自必奏

聞叅處是以未敢瀆

事事咸以此四字居心可謂無欺無隱之純臣矣

奏此實臣昏昧之見復荷

聖慈訓示感愧靡寧自茲以往臣凡有見聞自應據實

陳

奏臣不勝悚惕之至理合繕摺

奏覆伏祈

聖鑒謹

奏

鳥過張弓此之謂也

硃批諭旨

空

黃廷桂

雍正七年七月二十四日四川提督臣黃廷桂謹

奏爲奏

聞請

旨遵行事雍正七年七月十六日據護理夔協巫山營
遊擊趙大貴稟據太平營千總王仕偉等報稱六
月二十三日午後本營兵丁等因都司郅見聽信
謠言苦虐衆兵受熬不過合隊交甲求退卑職等
隨將進讒言之人斥責約束兵丁立即仍歸原伍
聞稟理合稟報等語除專差查實揭報外合先稟明等
劉恩因到臣隨飭令該護協確查交甲情由併將爲

首交甲兵丁名數訪實密稟去後該臣看得太平營都司郜見漢仗弓馬雖有可觀無如口訥才拙性復愚滯殊屬平庸之員今既輕信讒言苦虐兵丁致合營交甲求退則其溺職之迹顯然自應

題叅請

旨革職以儆官方但查川省兵丁習染驕縱未盡悛改今若執此卽行

題叅誠恐兵目無知嗣後轉相效尤實於營伍未便且兵丁之於營將如果受虐不過現有本協上司及臣衙門可控何得結黨挾制官長闕然擅行交

甲壞法亂紀莫此爲甚殊難輕縱臣愚請將糾衆
交甲爲首之人查實嚴拏至省先行重處責革以
懲刁風以除惡習至於都司郅見容臣稍緩卽當
另疏糾叅是否有當臣愚未敢擅便理合繕摺恭
請

訓示遵行伏乞

皇上睿鑒謹

奏

借輕信讒言苦虐衆兵一語遂欲倖免結黨挾制之罪
豈可得乎類斯刁風不宜滋長當嚴查爲首者重懲示

做粵東有例堪做行也部見若仍留本營勢不相安一面另揀賢員卽行調補一面具疏題奏將此原由無庸敘述

雍正七年八月十二日四川提督臣黃廷桂謹

奏爲密奏事竊照驛鹽道曹源邠經撫臣憲德委管文場提調凡簾官需用牀席桌椅等類例係提調備辦本年八月初三日撫臣先期查看因牀席桌椅過於不堪飭令更換曹源邠隨於是日傍晚吩咐成都府役照數更換至初四日早未見送入卽將成都府禮房責打餘悉拴鎖署成都府項誠繼

至見而不平竟自悉令開鎖於初五日封帶府篆
赴貢院至公堂上對衆忿言初四日係祭文廟齋
期曹道違例動刑且晚上教換牀席次早卽行責
打夜間如何備辦得及此非打役明係辱我實因
伊親家楊勦臣原係南充縣知縣是我屬員做官
貪婪伊曾屢次囑託求我不揭我不敢徇情執意
揭叅曹道記恨遇事苛索借端發洩似此如何辦
事我已將印帶來俟撫憲來時回明情願交印不
作官等語聲氣甚高堦下各衙門胥役及舉子百
姓等觀望擁擠數層物議嘖嘖殊失體統嗣布政

司呂耀曾至項誠卽將前語面稟呂耀曾勸宜忍耐不則恐致兩敗後各官復勸項誠以明經大典不應道府爭競項誠雖暫從不稟終以曹源邠懷恨爲辭有俟撫臣出場必行回明之語事關道府不和理合據實密

奏伏祈

皇上睿鑒謹

奏

曹源邠項誠俱屬稱職之員彼此不睦小過也非有蕩檢踰閑之失同城官員當爲從中勸解以息爭競

硃批諭旨

寄

黃廷桂

同日又

奏爲恭奉

硃批訓旨事竊臣前奏爲奏明事一摺欽奉

皇上硃批事事咸以此四字居心可謂無欺無隱之純臣矣欽此臣跪讀之下汗流浹背神魂無措實無地可容伏思臣至愚極賤荷蒙

聖恩屢加

訓誨至周至渥乃猶昏昧爲心自取罪戾臣實無可陳奏惟有痛自追悔洗心滌慮勉勵後效以圖仰報

天恩於萬一耳理合繕摺恭

奏伏祈

皇上睿鑒謹

奏

無欺隱一語尚不能勉副朕意猶望汝竭力致身之效
乎

雍正七年九月二十一日四川提督臣黃廷桂謹

奏爲奏

聞事竊臣前將太平營兵丁交甲情由奏

聞恭奉

硃批借輕信讒言苦虐衆兵一語遂欲倖免結黨挾制

硃批諭旨

奎

黃廷桂

之罪豈可得乎類斯刁風不宜滋長當嚴查爲首者
重懲示儆粵東有例堪倣行也郅見若仍留本營勢
不相安一面另揀賢員卽行調補一面具疏題奏將
此原由無庸敘述欽此臣隨將奏明奉

旨情節密寄知署督臣查郎阿以便會稿請黃
旨調補但查川省除太平營都司一缺外止有建屬寧
越營都司竝改設化林營都司新添噶達都司三
缺均係沿邊要地更非郅見所宜是以臣與督撫
臣商酌將梁萬營守備哈元成題補太平營都司
所遺員缺亦屬緊要復揀選重慶鎮標中營守備

楊鶴調補其部見應否以都司職銜管理重慶鎮
標中營守備事務抑或給咨赴部另補之處現在
會疏請

旨遵行至於不法兵丁臣已飭令護理夔協印務遊擊
趙大貴鎖拏解省俟解到時臣謹遵

旨照例發落合先繕摺

奏明伏祈

睿鑒謹

奏

以上陵下固屬不可以上邇下尤爲不可一涉將就則

硃批諭旨

奏

黃廷桂

顛倒紊亂且不勝其紛擾矣然非秉公持正無忝統率之任者亦未易論及此也

奏為奏

奏為奏

聞事竊臣據護化林協印務遊擊許連科稟據駐防打箭爐把總劉清稟稱閏七月二十八日有噶達工所潛逃夫役八十四名到爐卽盤阻詢問據云皆是高陽百姓正要具文差人押解申報工所又陸續走到四百餘名皆是高陽土夫據該夫役等云我等離家數百餘里來噶達應差傭工自本年五

月動工迄今四月止領糶粃五斛領過工價銀或
二兩一錢及四錢五錢不等我等又無處告貸小
頭人具訴哀懇借支盤纏總不給發忍饑不過只
得逡回等語稟報到職相應稟明等情嗣准撫臣
憲德咨准趙殿最諾木圖咨稱高陽土夫紛紛私
逃隨將大頭人高萬修楊萬秀鎖拏訊究緣由據
呈刁夫高續英高壽楊翠鳳戴廣四名串謀衆夫
夤夜私逃勢勇難當等情除將大頭人高萬修楊
萬秀二人暫行枷示外查高續英等四人率衆私
逃刁玩已極且聞各夫在途口稱到工僅領工價

錢兩次一次每人止有五錢一次每人止有數分
每運厚板一塊止給工價三分每運到板十塊止
算八塊等語但事關錢糧或係大頭人等扣剋或
係逃夫高續英等刁誣之處非令質對難以清查
除牌行該署司卽將高續英等四名務必嚴拏審
究錄供并將該夫等四名解赴工所以便與高萬
修等對質發落等情各到臣查土夫在工潛逃
原屬刁玩旣經趙殿最等移咨究審解工對質則
有無短發剋減苦累之處自必水落石出但事關
夫衆五百餘名紛紛逃散有駭觀聽理合據實奏

聞伏祈
聖鑒謹

奏

此中大有情故朕皆悉知解工對質水落石出時是非曲直曷能逃朕之鑒照也

雍正七年十月十三日四川提督臣黃廷桂謹
奏爲奏

聞事雍正七年九月二十六日據駐藏把總何錫寵稟稱本年三月內有陝西兵丁約二百餘人赴邁大人衙門回稟西藏柴草豆料俱貴

硃批諭旨

突

黃廷桂

皇上與我們口糧折色銀兩爲何扣存我們的等語邁
大人當卽傳將備等官將原存銀兩每名發給銀
四兩始行解散等情復於十月初九日據駐藏把
總李正藩稟稱川省兵丁爲支領口糧一節先於
出師挑派時令各兵裹帶兩箇月輓運四箇月折
支六箇月是一年之額川省官兵自去歲出口時
在打箭爐打一月之糧折給一月食物行至叉木
寨多又打一月之糧沿途共打三箇月口糧於去歲
八月初一日抵藏起至今歲三月終止各兵每月
每名關領折色銀四兩均各敷用安靜戍守竝無

恩賞
異言及至四月內有說販多解到西藏頭運之糧
時有糧務文員奉各憲之文令兵丁支領本色各
兵當卽巷議紛紛周大人與糧務籌議備文數次
與督撫兩憲籌畫方令各兵每月半本半折至八
月終止各兵以爲相合半本半折之期限完矣衆
口哢哢均爲日用食物以及餵養馬匹製備衣服
鞋襪等項艱窘難度不意於八月初五日有川省
兵丁聚集大招各帶腰刀約有百十名朋黨衆議
云今西藏所存之糧共七百九十餘石令川省兵
丁將前支下剩之糧二百五十石支完方將新運

五百餘石川陝兩省之兵均派公支事屬不公衆皆不服該管千把頭腦近前約束衆兵口出惡言幸而天降大雨陰黑雲暗地道泥濘未能邀衆成事理合稟明等因各到臣據此事關川陝兵丁先後非爲臣旣有所聞不敢隱蔽理合奏

聞再臣於駐藏弁兵遇有因公赴省者每親加細詢藏地情形據稱藏內柴草馬料甚貴步兵用度儘可從容馬兵未免有時不足等語臣思各兵所食半米之外每月尚關支折色銀二兩又有恩賞鹽菜銀兩甚屬充足何至日用不敷但各兵奢儉

不一或間有不足之處亦未可定查出師兵丁每季餉銀俱係家口關支養贍今仰沐聖恩復賞坐糧優渥重疊其各兵家內更覺十分有餘臣愚以爲似應將川陝兵丁所關季銀一半令其家口支領一半令各兵在藏關支庶在外在內均屬充裕臣復以此議屢密詢自藏赴省各弁兵咸稱如此實爲妥便但事關川陝兩省兵丁臣未便擅專已將此段情節寄商署督臣查郎阿應聽署督臣核奪料理相應一併繕摺具

奏伏祈

硃批諭旨

卅

黃廷桂

睿鑒謹

奏

覽奏已悉賞給坐糧之諭想駐藏兵丁此時方始聞知
耳朕今密發所奏與馬臘閣看令其確察兵丁情形覆
到之時然後降旨施行庶爲協當茲且密之勿宣

雍正七年十一月十六日四川提督黃廷桂謹

奏爲奏明事竊臣查黃螂改土歸流一案土司國保

聖恩仰蒙坐懋勳重疊其谷具奏內更疊十次有餘
恩旨臣隨欽遵悉心辦理業將國保安插成都各緣由

恭疏具聞

題惟是國保先經奉調至省曾在將備前口稱不拘
安插何處又以恐不服水土爲辭意欲移家敘州
府臣查敘州府距黃螂頗近未便安插成都去黃
螂遙遠且係省會觀瞻所在便於習學規矩臣是
以飭令將備等婉轉開諭國保令其住居成都學
習禮法於伊子孫有益國保卽欣然具呈願居成
都臣又令將弁代爲擇買田地房屋竹園發交管
業國保愈加欣悅隨卽差人回巢搬接伊妻子眷
口至省再國保尚有胞弟木姑未咱未基及堂弟
未孃木濟等臣思國保雖酌議安插若其弟輩多

人仍聽住居黃螂倘不安靜終於地方無益臣又
令將備等從容誨導國保更令駐防黃螂守備毛
龍甲不時傳集未咱木姑等宣布

皇恩俱各感戴踴躍一同攜家抵省共計男婦六十七
名口臣除將未咱木姑等造具戶口清冊移明撫
臣憲德酌撥附近荒田計口照例安插外理合將

辦理情節據實會

奏明伏祈

睿鑒謹

奏

安插成都甚屬合宜務令其俯仰充裕中心感悅不然則是朝廷直爲誑誘之舉矣殊與國體有關總之汝等封疆大吏但當以誠信爲本權術二字無一處一事可用也誌之

同日又

奏爲請

旨招民開採礦廠以資鼓鑄以利民用事竊臣據駐防黃螂守備毛龍甲稟稱金竹坪白臘山蠻夷司金竹壩等處各有銅鉛廠一座民人現在紛紛懇請開採守備又詢據商人等稟稱雷波黃螂靠山一

帶尚有數處礦廠等語相應稟報又據馬邊營守
備房啓義稟稱煙草峯會龍堡一帶礦廠甚多如
陰戲岩炒米廠地方出有銅廠二座又木香岡新
廠墩化皮廠三處各出鉛廠一座夾有銀砂該處
土民不時在內偷挖旋逐旋聚更聞此外尚有廠
座等情各稟報到臣伏思礦廠乃天地自然之利
銅鉛爲鼓鑄所必需封閉無用實屬可惜且建昌
一帶礦廠業經酌議具
題招商辦課而馬邊黃螂等處旣產銅鉛似應懇請
天恩一體聽民開採上可稍資鼓鑄下卽可爲衆民衣

食之藉實於

國計民生均有裨益倘蒙

俞允其作何招商開採之處應聽撫臣照例承辦理合

繕摺奏

聞伏祈

皇上睿鑒謹

奏

此奏識見殊屬庸愚之至所謂守突與之熒燭未仰天
庭而覩白日者也雷波黃螂一帶地方與新撫涼山諸
夷壤疇交錯第宜示以鎮靜胡可興啓利端若聽民開

採各處流亡無藉之徒勢必羣相趨赴萬一釀生事故
所關匪淺汝其會同憲德速將金竹坪白臘山等處凡
出產銅鉛礦廠槩行封禁嚴加防範稍有奉行不力脫
至紛紜黃廷桂憲德之身家性命未足以償厥辜也

皇上同日又

聞奏爲奏

聞請

旨遵行事竊查峨邊馬邊二營轄屬汛地皆與蠻夷接
壤向因人民稀少野苗未靖是以從前遷棄之地
方多未盡展復如峨邊營一帶汛防至太平墩而

止而太平墩之外尚有冷磧關平夷堡化平林等處其馬邊營防守汎地止於兩河口此外更有會龍堡煙草峯大竹堡等處俱久經拋置今川省民人生齒日繁又叨蒙

聖恩安插流寓開墾荒畝爲窮民衣食之本以故馬邊營土著老戶及外來新民屢欲將會龍堡烟草峯一帶拋荒田地報墾承糧而弁兵又以兩河口之外未經設汎恐無防衛倘致夷人乘間綁竊深爲未便極力阻擋兵民因此往往互相訟訴至峨邊營所屬太平墩之外如冷磧關平夷堡化平林等

處雖遷棄日久臣向聞各該處地勢扼要係夷獯
出入咽喉總路且其中山畧平坦土性肥饒可耕
之田地甚多臣於上年進剿凉山事竣之際曾將
素隸峨邊住牧大赤口一帶之雄瓜膩乃等夷素
隸馬邊住牧凉山一帶之九土百戶陸續調集厚
賞臣卽將化平林煙草峯等處各應安設情由明
白曉諭彼時雖據各夷目稟稱情願安靜守法不
敢滋事但臣伏思凉山諸夷甫經剿撫其傾誠效
順與否尚難預必未敢冒昧

奏請今自大兵撤後將經一載凡建屬雷波黃螂各

處新附苗民無不仰承

聖主撫綏德意甚屬安帖不但毫無綁竊更能將素日掠買漢民不遠數百里之外赴營首報自行獻出臣觀苗民既能似此恭順則附近峨邊之冷磧關平夷堡化平林附近馬邊之會龍堡煙草峯大竹堡等處原係內地似應懇請

天恩俯准展復俾民人墾闢荒畝以資生計惟是地方新闢一切衝邊要隘汛防不可不備臣悉心籌畫查平夷堡冷磧關化平林等處直通大赤口涼山一帶俱係蠻人出沒必由重地而平夷堡尤爲咽

喉總匯要區似應於此設守備一員帶兵一百三十名駐劄以扼要衝其冷磧關設外委一員帶兵五十名聯絡分防至化平林去太平墩頗遠備禦當嚴應設千總一員帶兵一百二十名駐劄以資控制所有添設千把二員均令平夷堡守備管轄仍令峨邊營統轄至馬邊營所屬會龍堡煙草峯大竹堡等處均在現設汛防之外查煙草峯距馬邊窰遠直通涼山普阿姑一帶甚關緊要似應設千總一員帶兵一百名駐劄其會龍堡設把總一員帶兵六十名分防至大竹堡雖去馬邊較近然

開事路通麻柳壩凹黑等蠻應設外委一員帶兵四十
表名駐劄互相控扼此所設千把兵丁統歸馬邊營
管轄但設兵必須籌餉以上峨邊馬邊二營共計
請設守備一員千總二員把總一員兵五百名其
每歲支領俸餉悉關正賦臣再四思維莫若於次
衝營汛及通省經制額兵內酌量設法改調抽撥
通融轉移則於各營兵力仍屬無損而汛防周密
俸餉無增邊民有衽席之安番蠻無盜竊之患垂
諸永久實爲有益臣因地方民情起見不揣冒昧
是否可採恭候

聖鑒遵行謹料恭刺應於此設守備一員帶兵一百三
奏請派人實爲有益而因此改因制缺良不計冒和
所奏抽撥兵弁移駐事宜候交廷臣詳議有旨至於墾
荒之說應俟汛防安設妥協三二年後酌量情形方可
議及今於新撫之初諸凡未備遽欲舉行殊屬孟浪無
識

雍正七年十二月初二日四川提督臣黃廷桂四
川巡撫臣憲德謹壽齡以土州縣數二營共指
奏爲奏降臣昧於此視端弄非兵丁益疆愚營
聞事雍正七年十二月三十日據護重慶鎮印務叅將

胡兆吉暨重慶府墊江縣各通報內稱十一月初七日聞墊江縣新場地方有聚衆之人帶有牌票招人隨卽文武會同齊差兵役拏到楊大銘董先朝黃四等十九名竝獲馬二匹未裝束鳥鎗一桿楊大銘處搜出招人硃判紙一條上寫楊大銘名下人一百隨審據楊大銘供係江西吉安府廬陵縣人到新場剃頭生理有黃四趙汝海等邀去買棉花到豐都縣白石丫王可久家同湖廣人陳姓李姓劉姓等別的不知姓名共四十多人王可久整了血酒呌小的們大家發誓拜弟兄纔對小的

說忠州出了楊家將叫楊成勳他家有金鑲玉印
劉伯溫碑記他第七箇兄弟必要爲王送在西陽
司去了叫大家扶助吃了血酒在王可久隔壁大
魚寺歇這帖子是王可久王仲久同一姓陳的與
小的的又據董先朝黃四等供出在王可久家吃
血酒爲頭第一箇楊成勳第二箇陳文彬第三箇
杜秉凡第四箇王可久等情隨將各犯監禁多差
幹役移會鄰邑追緝未獲各犯外又復檄行署忠
州守備蔣弘英選差幹兵密拏餘黨去後據差往
目兵陳國彥等回稟走到離楊家不遠忽被多人

圍到楊成勳家細鄉至半夜時候有楊成勳之兄
成賢成舉來解放說他兄弟回來他父親說是查
地方的營兵爲何細鄉他一陣罵一陣礮他兄弟
成勳在屋後樹上弔死了衆人方纔散去隨將成

此案

賢成舉拏獲到州現在嚴訊并緝拏餘黨審明口

汝等

供另報等情到臣等據此查此等姦徒擅敢妖言

敗露

惑衆復敢細鄉兵丁大干法紀除飛飭該護鎮及

等寬

按察司川東道會同多撥兵役四路分頭協拏首

等寬

惡黨羽并檄飭酉陽司追獻楊七嚴查有無假印

碑記

確審實情定擬另行具

殊批諭旨

殊批諭旨

亥

黃廷桂

題外理合先行奏

聞謹惡黨匪并辦濟西剿匪臣等竊思小輩查首無跡自

奏對察臣川東會同各縣具奏四祖衣更謝等首

奏內據稱檄飭西陽司追獻楊七並嚴查碑印等語最
宜詳慎勿俾無知弁員憑威迫脅激出事端朕意或係
姦匪捏詞妄僕希圖推卸亦未可定料該土司未必有
此事也適已批明查郎阿摺內令其轉諭汝等矣

雍正八年正月十八日四川提督臣黃廷桂謹

奏爲恭謝舉來續效績並只送回來山父縣諸呈查

訓旨事竊臣前以庸愚卑淺之見冒昧陳

聖奏敬奉

硃批諭旨此奏識見殊屬庸愚之至所謂守突奧之熒
燭未仰天廷而覩白日者也雷波黃螂一帶地方與
新撫涼山諸夷壤疇交錯第宜示以鎮靜胡可興啓
利端若聽民開採各處流亡無藉之徒勢必羣相趨
赴萬一釀生事故所關匪淺汝其會同憲德速將金
竹坪白臘山等處凡出產銅鉛礦廠槩行封禁嚴加
防範稍有奉行不力脫至紛紜黃廷桂憲德之身家
性命未足以償厥辜也欽此臣跪讀之下仰見

睿慮精詳至周至遠乃臣愚昧爲心率爾賡陳以致上

睿慮塵精至風至數八思和爲小率爾責刺以姓土
天懷謬戾實深荷蒙

天恩鑒宥復奉行不代領至錄錄黃致卦憲爵之良案
賜訓示開導切至俾臣醒悟知有遵循臣隨卽欽遵飛

狀飭該管雷波黃螂馬邊等處將弁將金竹坪白臘
味山烟草峯等處凡有鉛銅之廠悉行嚴加封禁不
得時選差弁兵查拏流匪勿許偷挖滋擾仍委員逐
處挨查併出示曉諭嚴禁務期漢番和輯各安住
將此牧仰副奏端具報聞愚之至祝晴宇突奧之榮
聖主救寧邊境保乂民人之

至意臣不勝悚惕感激涕零之至謹恭摺

奏謝伏祈

睿鑒謹

奏

向後一切事宜務須詳慎爲要率爾之見何可瀆陳朕覽所奏倘亦如汝遽卽見諸施行竟至滋擾地方其害曷勝枚舉豈引咎頌聖數語所堪了結者如云曾經審思原非率忽則己之才識實屬不逮可知愈當加勉詳慎矣

同日又

硃批諭旨

今

黃廷桂

奏爲奏

聞事竊查墊江賊黨一案臣等據報卽經會摺具

奏嗣於雍正七年十二月初三十五等日據護重慶

鎮印務城守營叅將胡兆吉先後咨稱陸續捉獲

逆犯徐應詔等九名王招德等十三名又獲杜秉

凡等五名又獲首惡楊七等七名又獲楊成爵等

四名各等情到臣俱經節次轉咨署督臣查郎阿

仍飛飭胡兆吉慎選弁目嚴密查拏各在案現今

奏此案人犯撫臣憲德已提解赴省飭令審究茲於

本年正月十二日接署督臣查郎阿札稱恭奉

硃批諭旨敬錄到臣伏查首惡楊七果係於楊隘嘴地方被獲竝未在西陽土司境內臣跪誦

綸音仰見

聖明洞燭如日月之照臨無遠不周臣隨敬錄密示胡兆吉欽遵仍密飭會同文員詳慎料理勿得滋擾理合將緝獲楊七及一千要犯提解赴省緣由一併繕摺奏

聞伏祈

睿鑒謹

奏

硃批諭旨

全

黃廷桂

朕非有過人技能但較汝等克誠克公耳凡人爲一己利害是非之念切則遇事接物動輒有過不及之失勉公與誠斯爲對證之藥

雍正八年十二月十六日四川提督臣黃廷桂謹
奏爲奏

聞事竊臣於本年十一月二十五日據臣標前營遊擊
望門王谷宰報稱本月十四日卑職督兵前進行次回
龍關其關左手懸崖右手深溝大澗夷猺羣聚數
千堆積滾木擂石卑職遠視兇險不敢冒進隨另
覓小路飭守備張文璧等帶領漢土兵丁五百名

抄在回龍關之前截殺又令守備干爲章等帶領
漢土兵丁三百餘名於巖後攀巖而上卑職帶領
漢土兵丁九百名於關下誘賊以信礮爲號三處
官兵喊聲大振鎗礮一齊攻打猓賊潰敗奔逃隨
越回龍關於米貼下營十五日取金鎖關十六日
奪黑鐵關十七日剋黃草坪乃猓賊猖狂至初更
時分在營盤之左巖上名拖柯磴滾放擗石隨詢
知此磴後通舖枯嚕磴卑職密令守備張文璧等
帶領漢土兵丁八百名立即銜枚攻剿去後又令
守備干爲章等連夜仰攻拖柯磴因磴如壁立其

中木柵牆垣甚堅我兵被擣石打傷甚衆職督催官兵奮勇爭先至十八日午時羣賊大敗官兵追擊上磴殺死猱賊數百餘名十九日據守備張文璧捷報鋪枯嚕磴勢陡險有三十餘里之高我兵攀援至半山猱賊擣石齊下官兵奮勇攻打以至有陣亡帶傷者未時攻至磴上擊殺賊蠻甚多等情卑職於二十日率領漢土官兵攻取螞蝗溝併分兵進攻古株等砦俱於永善會合乃猱賊狡計沿途豎立木柵阻塞隘口施放矢石我兵用大礮更番攻打旋攻旋進兇猱勢窮難支撲巖鼠竄卽

於本日恢復永善等情捷報到臣臣查自井底至永善沿途二百餘里俱係懸崖峭壁賊夷所在蜂聚經遊擊王谷宰督勵兵士連宵血戰剋取險隘恢復永善但烏賊變叛異常官兵無不憤恨同仇爭先除寇以致陣亡漢土兵丁二名瓦寺土千總一員受傷漢土官兵八十餘員名至於剋復大關一路官兵臣據署遊擊康國泰等驗稱職等於十一月初十日分派官兵前往大關後箐搜剿突遇猓賊數千駐劄溝內一見我兵卽齊來拒敵自午至酉猓賊敗退入箐日暮收兵回營乃猓賊乘夜

分爲二路復來死鬪職等督兵努力交鋒直至黎明羣賊方始潰散緣夤夜昏黑殺死兇蠻固多而我陣亡把總一員外委一員漢士兵丁三十六名受傷漢土官兵九十餘員名卽卑職國泰面被弩傷深入額骨等情再查堵剿東川一路官兵臣節准建昌鎮臣趙儒咨據署遊擊楊澤厚等報稱職等嚴密防截先後捉獲東川猺賊二百餘人內賊目十三名及賊目之家口一併解交滇省又救出被難漢民三名及滇兵十三名各兵之家眷三十四名口業經專差送赴滇員收管去訖所有微臣

據報恢復永善及漢土官兵奮勇傷亡併擒獲賊
目各情由除已咨明督臣鄂爾泰外理合恭摺奏
聞伏祈

皇上睿鑒謹

奏

官兵之奮勇爭先汝之調度合宜深爲可嘉據鄂爾泰
亦有川省將領此番勞效較勝滇省張耀祖輩遠甚之
奏勉旃勉旃

雍正九年六月二十二日四川總督臣黃廷桂四

奏川巡撫臣憲德謹

硃批諭旨

臣

黃廷桂

奏爲備陳川省情形敬謁 臣等管見仰冀

聖明俯垂採擇事竊惟民爲邦本食爲民天我
皇上浩蕩洪慈無時不以民間粒食爲念各直省倉廩
儲積屢蒙

諭旨訓示周詳 臣等仰體

宸衷覺川省地方其米穀有不可不早爲籌畫者敬爲

皇上我

皇上陳之川省遠屆極邊萬山叢積惟成都省會附近
十餘州縣平洋寬廩田多渠堰素產米穀古稱沃
野千里其餘府廳州縣則皆依山傍澗其田坵地

塊專賴天雨灌溉稍不及時卽多歉薄所以附近
內外兩江舟楫可通之處軍民食米亦往往仰藉
成都前此糶販甚廣而產米之鄉相忘不覺米價
不增者以本處人烟稀少食之者寡也今

聖朝生聚日繁向之畸零小戶每多聚族而居兼之商
賈匠作攜家就食傭工力役結伴去來四時絡繹
不絕故近來青黃不接之際米穀價值城鄉俱不
無少昂臣等查全川一百數十餘州縣其倉廩存
貯米穀雜糧通省合算止共四十二萬石有零且
川民習俗從無蓋藏卽紳士豐裕之家亦皆無隔

年之蓄所以臣等輾轉深思若以本省所產之糧
供本省目前之用自無不足之虞然以現今之生
聚遙計後此之增多自必日盛一日萬一偶遇歉
收鄰省既難於撥運本地又無可截支止藉此四
十萬石之倉糧實難免匱乏束手之慮此臣等竊
謂川省米穀不可不早爲籌畫而上請

聖慈者也伏查川省常平倉捐例久已奉行又經陞任
嘉定州知州陸錦奏蒙

恩允部覆飭遵至今已越兩年竝無一人報捐臣等復
悉心諮訪蓋川省例係捐穀歷年穀價漸長又不

無購買搬運及上倉守候之勞且又止有捐監一途更不許外省之人在川援納所以自康熙三十二年起至今歷四十年來而捐者寥寥倉儲無幾臣等不揣愚昧竊計略爲變通請將川省常平倉捐例改穀作銀一切捐款銀數悉照雲南貴州現今事例不分旗民人員聽許赴川遵例援納卽交兌四川布政司貯庫出給實收赴部換照臣等卽將此項捐貯銀兩分別地方大小遴委賢員於秋成之時赴各州縣照依市價分頭買穀交該地方官查收貯倉而於濱江州縣加倍多貯一轉移間

國計民生俱有裨益倘蒙
俞允其州縣衝僻繁簡各應貯穀若干石松廬新設營
汛應行改穀貯米者各若干水陸船脚運費按站
應給若干併請照雲貴開墾各條事例統俟
恩准批允至日臣等悉心酌定另疏具
題未敢遽爲瀆奏謹就管見所及者據實備陳是否
可行伏祈
皇上睿鑒訓示遵行謹
奏

川省乃產米之鄉籌畫積貯尚易爲力該督撫遽請開

捐誤矣且欲改穀作銀又復將銀買穀輾轉滋弊更屬悖謬但通省倉廩止存四十餘萬石爲數太少應作何增儲之處交從前所派會議截漕大臣同田文鏡速行詳議具奏

雍正十年閏五月十二日四川總督臣黃廷桂謹奏爲恭謝

天恩事竊臣接准撫臣憲德寄到大學士鄂爾泰等字

寄四川巡撫憲德雍正十年二月十九日欽奉

諭旨賞臣養廉銀一萬二千兩臣隨恭設香案望

闕叩頭謝

硃批諭旨

恩伏念臣庸愚駑鈍叨沐

天恩逾分超擢未有涓埃之報屢以養廉瀆請實深惶

悚乃蒙

聖慈賞給加厚

隆恩豢養至深極渥臣惟有矢竭公忠實心任事以期

仰報

高厚洪慈於萬一理合恭摺

奏謝伏祈

皇上睿鑒謹

奏

覽奏謝知道了凡居官食祿者無論高卑俱當以操守
爲第一要務汝輩旗員獨此一事朕未之能信勉之

雍正十年閏五月二十五日四川總督臣黃廷桂
四川巡撫臣憲德謹

奏爲奏

聞事竊臣等於本年閏五月十八日據直隸嘉定知州
錢青稟稱本月初六日據峨眉縣知縣文曙具報
該縣地方於初三日夜山水陡發自西關至東門
城外將居民房屋衝倒人口淹斃數十名田禾淹
沒同日又據署夾江縣蔣一鳴亦報水發淹沒田

硃批諭旨

發

黃廷桂

禾各等情卑職隨卽星赴峩邑逐一查勘緣大雨連夕峩眉山後山水陡發會集奔衝直至城西轉北至東水勢洶湧兩旁人戶躲避不及以致坍塌房屋百有餘間淹斃男婦大小九十餘口近城田地被水衝塞沙石淤填至夾邑水淹地畝係因雅泰河泛漲水漫入地將近河沙地秧苗淹沒房屋人口竝無損傷等情到臣等臣等隨公同會商峩邑近城民人陡被水災損傷男婦飄沒田廬實屬可憫臣等仰體

皇仁暫動公用銀一千兩飭交建昌道馬維翰星速前

往峨眉夾江逐一查勘務將實在災黎宣布

聖恩酌量賑恤均霑實濟仍恐被水窮民不無乏食竝
皇十 令該道卽動常平倉穀按戶查明借給以資口糧
其二邑淹沒田地是否成災一併據實查勘詳報
俟該道詳報至日臣等另行奏

聞外所有據稟山水陡發臣等委員查勘賑恤緣由合
先恭摺具

奏伏祈

皇上睿鑒謹

奏

自命黃廷桂總督川省以來災祲屢聞朕甚憂之未識黃廷桂亦曾返躬自省否也

奏雍正十年八月十七日四川總督臣黃廷桂謹

奏爲奏

聞事竊查秋成之後剿捕兒斯賊番需調漢土兵丁六

千名經

奏請恭奉

皇上諭旨臣隨分檄派撥漢土兵丁六千名交鎮臣趙

聖恩儒總統調度至於進剿機宜臣悉心籌酌查兒斯

堡地方前以上中下三渡爲門戶扼塞之所後以

蘇爐巴日堡及木裏等處爲事急潛遁之路左則恃有噶巴峪石關二道右則恃有廟頂山險得以抗拒而其盤踞重地則意魚卡一山兩峯壁立中通一線長亙數十餘里實爲要害臣先密檄明正土司將蘇爐巴日堡連界渡口由打箭爐多派土兵嚴密堵截其木裏各接壤處所令該鎮預先密飭各土司頭人加謹防範至我兵進攻道路亦已密檄鎮臣趙儒查照應由三渡各分一軍飛濟直前毀其門戶由會鹽一路至噶巴峪搗破石關由窩卜一路攻克廟頂斷其兩翼其意魚卡山之前

仍應明駐大軍攻擊牽制賊人却暗派精兵一由
石關一由廟頂山各驪小徑出其不意攻入意魚
卡之後則賊首尾受制顧此失彼擒縛首兇以正
典刑似覺易於爲力竝令該鎮臨時詳察機宜務
期實力料理不許稍有將就完報等因在案臣仍
不時專差督催密察倘草率粉飾立即嚴叅再鎮

犒賞之

需宜多發備用此數似覺太少
臣趙儒因刻期進剿援例詳請賞項臣隨批行布
政司查照往例動支公用銀二千兩發給製備以

資鼓勵合併

奏明伏祈

睿鑒謹

奏

務期一舉戡定以收永遠綏靖之功毋得仍然潦草結局今賊番敢於猖獗者皆由汝從前未經料理妥協所遺之患若再苟簡從事朦混一時則將來何所底止耶其將朕意密諭趙儒領悉剿番之役原係汝二人未了首尾設不能奮勉立效以贖前愆二罪併罰恐汝等難以克當矣總之一切進退利鈍情形纖毫不隱殫心竭力相機合宜而爲之自蒙

上天之庇佑也囑伊謹誌勿忘

硃批諭旨

全

黃廷桂

同日又

奏爲奏

聞事竊臣因上年六七月間成都米價騰貴一面諭令
布政司將常平常豐倉穀全數碾米委員平糶一
面繕摺會

奏及秋收後隨即諭令布政司將碾辦倉穀如數買
補還倉以爲今歲青黃不接之需仰蒙

皇上至誠格

天今年夏熟已獲豐稔無須此項接濟復慮蜀地氣候每
當秋成之時恆多陰雨連綿縱有上等田禾緣雨

水過多收成反致稍減乃自入秋以來七八兩月
天氣晴朗川民婦子得以盡力收穫所結顆粒愈
加穎粟茲據成都府查報府屬十六州縣收成分
數十分者十州縣九分者六州縣臣又差役四處
訪查俱云各處收成實與成都相上下現今米
價上米每石四錢七八分次則四錢一二分將來
秋收完畢之後米價或尚可以減少除俟布政司
彙造通省收成分數另行會

奏外合先具

奏以慰

令遊擊楊澤厚帶兵自會鹽一路攻入一面飭催
渡船於九月二十五六三處渡口需用大小船隻
俱已造完隨分遣遊擊壽長等帶兵於二十七日
渡河直前本職量帶官兵駐劄刻嗎木上下策應
相機料理於十月初二日將瓦都瓦尾紫古喇賊
目郎姑嗎卽沈各別竝于撲撒父子等設法擒縛
隨立遣署叅將傅弘禮率領弁兵分頭搗巢捉獲
賊犯等男婦二百餘名口又將賊首獨溜溜俄卽
擒獲解交寧遠府收審其壽長等各將遵照檄示
分道進攻各據稟報督率弁兵轉戰而前於初三

初六等日左右前後四路官兵俱將各處石關攻克意魚卡腹心重地亦已犁掃直抵接不接新老寨俱經會合沿途陣斬賊蠻甚衆生擒兒斯正兇雜兒谷哈布等十名一併押交寧遠府收審等情捷報到臣臣查進剿以來仰仗

天威將士鼓勇旬日之間遂將河西險要俱經搗破兒斯正兇已有擒獲而河東各寨造謀逆番無不受縛除再專差嚴檄諸將分遣弁兵四路窮搜密捕務將兇番通數全拏解報外所有據報克捷情由理合奏

聞謹聖合奏

奏

覽奏已悉仍飭將弁兵丁小心慎重相機而行毋致稍

有疎失

五

大

奏爲敬稟

聖訓實力遵行事竊臣恭奏漢土官兵起程日期一摺

敬奉

硃批委曲開導仰見

皇上軫念邊防務爲久安長治之計至深且遠凡有地

皇上軫念邊防務爲久安長治之計至深且遠凡有地

方之責者苟具人心能不戰兢惕勵勉圖報效孰敢尚懷欺飾自干重譴伏思番蠻雖屬蠢悍如果措置得宜自可漸臻化理蓋雷波黃螂卽係新附之區臣凜遵

睿謨宣布威德不時專差察看彼處土民沾沐

聖澤日就醇謹其凉山十數萬夷獮自雍正六年進剿之後靡不安靜守法而冕山越嶲相隔百有餘里從前原係撥兵對哨保護行商及臣撤兵之後明白曉諭停止放哨數年以來竝無刼奪等事至兒斯一案於雍正五年經副將王剛帶兵剿撫之際

臣甫經到川一切地利夷情實屬不諳今逆蠻既
敢陡肆兇鋒卽臣撫馭無方仰蒙

訓旨諄切敢不竭力肅清臣已遵

旨密諭鎮臣趙儒凜遵料理今查河東一帶造謀首逆

全數擒獲河西兒斯堡動手正兇亦有解報臣復

專差疊檄嚴催將兒斯兇番逐一上緊緝捕務盡

根株以免後累惟是三渡河東逼近寧番肘腋之

地若不痛加懲創終恐養姦貽患是以并令該鎮

乘此軍威凡有素行不法賊夷查實一併掃除再

臣訪聞寧番村堡竟有漢姦希圖夷利擅敢隱藏

逆犯之牛羊等物者隨已密諭寧遠府卽速確查
拏究以儆不法臣惟有盡心竭力徹底辦理俾漢
夷共知儆戒則蕩平之後徐施教化庶可一勞永
逸仰副

聖主綏靖苗疆至意所有遵

旨辦理緣由理合恭摺奏

聞伏祈

睿鑒謹

奏

秉忠抒誠臣勉爲之其間偶或遇有滯礙難行何妨據

硃批諭旨

癸

黃廷桂

實奏聞商酌辦理豈可欺飾掩蔽苟簡朦混也汝等中
平材質一切處非過則不及嗣後務須講求適當合宜
之道爲要

聞於雍正十年十二月初一日四川總督臣黃廷桂謹

奏爲凜遵

睿謨苗疆底定恭報凱捷事竊臣前將擒縛河東各寨

勾結逆番及兒斯有名正兇并嚴檄將弁密捕窮
搜務盡根株各緣由俱經繕摺

奏明續據鎮臣趙儒次第咨報從前河西各堡凡係
協助兒斯之逆猱及官軍深入以來負固抗敵庇

匿兒斯之兇蠻嚴飭遊擊楊澤厚壽長沈國卿洪
揚都司張懷元吳金章等督領備弁士卒嚴截密
佈躡緝賊蹤或分頭犁掃或協力勦擒先後計尅
廟竹打約勒烏錯多拉谷擦谷路糯居勒必約葛
皮羅木羅等堡數十餘寨又將賊夷盤踞要窟喇
卡哈四夷羅露沽崖萬雲峯等處奇險石硎十數
餘穴次第搗燬再查下渡河東接連內地白宿凹
麥地溝瀘沽一帶夷巢原係猓獫狁本支輒於軍營
左近射傷馬匹攜家逃入山箐不肯受撫復行檄
飭沈國卿張懷元等堵截要隘會兵嚴搜捉獲賊

番除飛巖投河自盡及臨陣擊斬外通共生擒賊
目賊從及老幼家口一千餘名本職又復帶兵渡
河查勘情形週圍上下逐處親歷以便詳議善後
目擊沿山各箐險巢要隘俱經掃除其案內各堡
造謀頭目動手拒敵正兇已全數緝獲移交寧遠
府收審解省實係賊氛悉靖地方清寧軍務告竣
各等情到臣該臣看得猺獫番族在於三渡河東
河西毗連住牧從前副將王剛帶兵勦撫雖經渡
河不過兒斯一堡原未深歷重險遍加懲創故賊
蠻倚恃山窟仍敢恣肆今則仰蒙

聖訓剴切指示而鎮臣趙儒凜遵

宸算殫力竭誠徹底料理一切險巢重地深林石穴靡
不督勵將士悉行蕩平凡係案內不法賊目正兇
業經寧遠府知府杜士秀等訊明陸續解省一無
縱漏又因善後機宜關係垂久鎮臣趙儒親身遍
歷逐細查勘今軍務旣竣臣現在檄行該鎮量留
官兵駐劄彈壓其餘漢土兵練撤回汎巢俟咨覆
前來臣另疏

題報外至於善後措置臣已寄知該鎮悉心妥議到

日臣再與撫臣憲德熟計詳籌另摺恭陳

硃批諭旨

矣

黃廷桂

天聽所有犯番全獲軍務告竣各情節理合繕摺捷

奏伏祈

睿鑒謹

奏

所奏欣悅覽之趙儒督勵將士蕩平逆番不法賊目又
經全獲甚屬可嘉俟具題到日另有恩旨可先轉諭知
之

雍正十一年十一月二十一日四川總督臣黃廷

桂謹

聖奏爲奏

聞事竊臣據巫山營遊擊稟稱據駐防建始縣署把總
葉如藩報稱本年十月十六十八等日有容美司
土民陸續逃出男婦大小五百三十餘名口由本
汛茶寮塘經過前往湖廣紅沙堡駐劄聞說容美
土司修齊寨子要將寨外居民調進土民不服搬
逃等語隨帶過山鳥機二門小鳥鎗百桿副刀百
口寄放過山鳥機一門於本塘隨又差兵目前往
紅砂堡確查去後續據回稱所有帶出各項軍器
現俱存在紅砂堡有湖廣防汛把總于元將土民
安插巴東一帶地方候示等語卑職對面觀看司

內守烏陽關之土兵約有五十餘名晝夜響鎗不止今汛內南里以至下白沙等處百姓男女心驚躲避卑職會同文員於各處安撫百姓歸寧隨復挑領汛兵駐劄茶寮頂塘小心隄防外所有過山鳥機一門不便存留差人送至建汛城內收貯等情又據護重慶鎮劉敬稟據署黔彭營遊擊稟稱據目兵李元良等稟稱探得容美土官差土人八十餘戶隨帶鎗礮什物駐劄烏陽坪築城防守關口堵禦湖兵土民商議逃出投明紅砂堡于把總將土民所帶什物鎗礮解赴彝陵鎮當卽派委歸

州張遊擊帶兵三百駐防紅沙堡等情各稟報到
臣該臣看得建始一縣逼近容美隘口繁多今土
民五百餘衆攜帶火器副刀紛紛徑過以致建汎
境內南里至下白沙等處百姓驚惶躲避查該縣
防兵單薄不足彈壓稽察臣與撫臣商酌飭令巫
山營遊擊曾來印將本營兵丁量派一百名委弁
帶領前往建始暗自分防勿許稍有聲張滋事仍
選差幹目密探情形不時飛稟至容美土民逃赴
湖廣土司有無不法事屬鄰省臣未能深悉湖廣
督撫諸臣自必備細查辦奏

聞但臣伏思川楚接壤如或進剿誠恐需用川兵臨期
派調未免急遽似當備而不用除密令重慶鎮預
備兵一千名夔州協預備兵一千名收拾停妥聽
候進止外所有據稟容美土衆逃出建汛百姓驚
惶以及臣等商酌辦理預備各緣由理合會同撫

臣憲德恭摺奏

聞伏祈

睿鑒謹

奏

兵固當備但須密而又密或托詞防邊預選候調不可

令彼驚疑反致激出事端朕審度局勢雖備無用切毋
輕舉妄動候旨遵行

雍正十一年十二月初五日四川總督臣黃廷桂

四川巡撫臣憲德謹

奏爲奏

聞事雍正十一年十二月初三日據順慶府同知管臚
傳稟據大竹縣稟稱本月二十一日訪有文興貴
文射斗王來聘在於文家山大山內書符書咒假
稱有放瘟放虎法力煽惑愚民演習鎗棒當卽會
同營汛選差兵役星往緝捕拏獲黨首文興貴又

續獲徐永耀王秀章賈克武王登第李登庸馮殿
川文興義等一千黨犯隨訊據供稱尚有要犯朱
洪文射斗陳心儀王來聘夏佐五等聞風逃往大
竹鄰水交界瓦屋坪之東隱寺山內藏躲等語卑
職隨卽會同遊擊劉應標添撥兵役馳赴鄰水大
竹并令該兩縣文武員弁各差兵壯卽委典史外
委分頭帶領星往彼處四路搜拏外相應通稟等
情到臣等據此除飛飭該員等將已獲要犯牢固
禁守其未獲有名各犯迅卽多撥兵壯加緊跟捕
務獲解報不許疎縱仍恐接壤之達州長壽等處

俱係山箐相連賊犯兔脫又飛令各該地方文武
選撥兵役協同查捕俟擒解至日另行嚴訊確情
分別首從定擬具

題外所有據稟拏獲姦匪情由合先繕摺奏

聞伏祈

皇上睿鑒謹

奏

此奏嘉是覽之汝等督撫大吏但肯留心地方稽察姦
宄剗鋤匪類朕復何慮之有須竭力窮究務盡根株毋
或稍存將就省事之念

雍正十二年正月十七日四川總督臣黃廷桂工
部尚書暫理四川巡撫事務臣憲德謹

奏爲奏

聞事竊查大竹縣妖言惑衆一案臣等初次據稟拏獲
文興貴等一千姦匪尚有朱洪等要犯未獲等情
聞外隨卽一面繕摺奏

聞一面飛飭查拏去後續據鄰水大竹二縣文武報稱
要犯夏佐五及黨惡馮帝欽并朱洪等家屬俱經
拏獲又據重慶府知府顧贄順慶府同知管臚傳
遊擊劉應標節次呈報於十二月內將首犯朱洪

陳心儀王來聘文射斗周老九等全行拏獲各等情前來臣等伏查此案首從各犯既經全獲隨行令按察司卽速轉飭多撥兵役分起嚴押赴省另

審確情究擬具

嚴審造謀立意根由毋容絲毫姑息

題外至兵役人等臣等現在飭查重賞以示鼓勵所有首從各犯全獲緣由理合恭摺奏

聞伏祈

睿鑒謹

奏

此案匪犯不旋踵而全獲甚屬可嘉各員役等應重加

硃批諭旨

三

黃廷桂

獎賞示勸

奏雍正十二年二月十二日四川總督臣黃廷桂謹

奏爲據實奏

聞仰祈

睿鑒事竊臣據重慶鎮臣吳正揭報中軍遊擊劉敬欺
壓上凌下無所弗爲或扣剋馬價或私換營馬或借
端攤派與夫侵蝕銀米勒索屬員蠻女非理酷責
兵丁私餽希圖卸過種種貪劣難以罄書守備何
正國前旣畏威未舉今猶懼勢不言亦難辭咎等
因開揭請叅到臣查劉敬據調任鎮臣馬義路

過成都與臣面晤之時極稱劉敬實心辦事操守頗好臣又詢之同城道府各官均言其居官甚好夫當新鎮莅任之初卽素行不端之員亦必自知收斂何竟任意貪劣且臣聞得該鎮之與劉敬因到任接遲索馬未送頗有不睦之說而劉敬爲人又素性粗戇平日與鎮署管頭稿房人等俱不相合恐有乘機排擠之弊臣不敢隨聲附和草率列疏是以檄行兩司轉飭重慶府立卽嚴訊確情據實詳報如有瞻徇一併糾叅等因在案但臣復經密訪該鎮暗令各營招告疵求續揭俟有續揭到

時臣一併發司嚴訊如所揭各款但有二實實在

可憑者臣即將劉敬嚴叅請等因奉案臣到任後

旨究治不敢姑縱所有臣據揭發審未敢卽行審辦

題叅緣由理合繕摺奏聞伏祈

聖鑒謹奏

奏外過時京臣意貪婪且動問尋常與臣因

覽所奏情節朕不便懸定是非大抵此等事件總以秉

公持平爲主其間稍涉纖毫私念將來必爲己身之累

也

臣夙夜與臣面聖之律雖極嚴密實必轉車對

雍正十二年九月初二日四川總督臣黃廷桂四

川巡撫臣鄂昌謹

奏爲恭報秋禾收成分數事竊川省自夏秋以來雨
暘時若早禾久經收穫晚禾亦已登場據布政司
據各屬呈報彙冊造送前來除松潘一廳鹽源等
四州縣不產秋禾外其餘各屬收成十分者共九
十廳州縣衛所九分者共四十六廳州縣司合計
通省收成有九分以上當此萬寶告成之際百姓
俱有蓋藏地方亦甚寧謐此皆我

皇上敬勤昭格之所致也理合恭

皇奏謹將各屬收成分數另摺敬呈

御覽伏祈蓋藏

睿鑒謹奏

奏本疆田總數

收穫情形以手加額欣悅覽焉

聖鑒同日又呈辦彙冊

奏為奏

聞事竊西陽土司冉元齡父子濟惡暴虐貪淫經

會疏

題叅竝議設流撫輯查西陽地方緊要經理需員隨

委成都通判耿壽平星馳署理酉陽司事一面檄
行黔彭營遊擊挑選健兵五十名委該營署守備
劉紫衿會同赴司彈壓一面委令川東道陸賜書
前往周巡踏勘相度地方形勢將作何設營分汛
設官分理各事宜悉心商酌詳報去後茲據委員
耿壽平稟稱職等於八月初六日抵黔江縣卽有
司屬之上際容坪二里百姓聞信踴躍齊集二三
百人照酉陽司舊規到縣聽候差使初八日到酉
陽紳士土民客商人等扶老攜幼羣出遠迎歡呼
載道又節據川東道陸賜書等稟稱八月十四日

抵司司屬人等遠來迎接人人稱誦雲開見日隨
有各里頭人百姓紛紛投遞烟戶冊籍并地壩平
茶邑梅石耶四土司楊勝鈞等陸續來見獻圖繳
印咸稱情願改土歸流共樂昇平等語臣等伏思
西陽百姓被土司殘虐積怨已深仰戴

天朝傾心向化亦非一日今聞改歸如出湯火其踴躍
歡呼具見中心悅服至地壩等四土司久欲內附
今委員一到卽便獻圖繳印亦屬傾誠除西陽土
司冉元齡等按名拏解審擬并建設文武官兵各
事宜俟該道議詳到日臣等悉心妥酌另行請

旨外所有西陽各地方民情歡悅并地壩等四土司呈
懇歸流緣由合先繕摺奏

聞伏祈

皇上睿鑒謹

奏

覽奏知道了慎厥終惟其始諸凡建設事宜極當周詳
計慮稍涉疎忽致貽罅隙日後責有攸歸也

雍正十二年十一月二十一日四川總督臣黃廷

桂謹

奏爲奏

硃批諭旨

一覽

黃廷桂

聞事據署成都城守營叅將李文秀稟據署右營左哨
千總張宏仁稟據右營馬兵金寬稟稱十月二十
一日小的因操點回家路過什那堂後小巷內拾
得小布包一箇內有紙包紋銀四兩七錢上有龐
秀名字小的隨在巷內喊叫並無人承認後遇撫
標兵丁董國仁小的將拾得銀兩告知據董國仁
呈上云龐秀係撫標右營出師兵丁小的遂託其寄信
問及龐秀家下前來相認又恐有冒認之處因將所拾
銀兩呈繳伏乞發給等情據此查龐秀實係撫標
右營兵丁因出師在外伊妻蕭氏領取餉銀回家

在路遺失遂傳喚蕭氏詢其所失銀兩數目相符
隨將銀兩發給領回等情轉稟到臣據此臣隨傳
喚兵丁董國仁等詢問緣由其遺銀還銀之處俱
與所稟無異竊川省爲邊遠之區金寬一貧窮之
卒而克敦古道不拾遺金仰見

聖德覃敷普天服教雖荷戈微賤亦知禮讓相先也除
將兵丁金寬獎賞外理合恭摺奏

聞伏祈

皇上睿鑒謹

奏

兵卒雖微拾金雖少但行伍之中能如是顧惜廉恥不昧本心卽屬難得應超拔千總以敦義讓之風

閏九月雍正十三年五月十一日四川總督臣黃廷桂四

川巡撫臣楊嗣謹

聖奏爲恭報夏熟收成分數事竊查川省今歲雨暘時若夏熟豐收據布政使竇啓瑛將各屬收成分數分晰具報前來查十分者三十八州縣一廳二衛四所五司九分者八十一州縣一廳一司八分者九州縣統計收成有九分以上川民當此屢豐之後更獲麥秋共慶

天和均霑

聖澤再目今陰晴應候四郊甘霑時行高下田禾栽插
已遍合并聲明謹將夏熟收成分數另繕清摺恭

呈

御覽伏祈

睿鑒謹

奏

際斯盈寧之慶當益加凜畏更勉公忠試思川省屢蒙
天佑頻賜豐年豈文武不和各立門戶排擠乖爭之風所
能感召者耶若因此而自以爲是任情肆念殊非所以

仰答

天貺矣亟宜返躬內省倘有不慊於中極力改悔毋稍逡

巡

奏同日又

奏爲奏

聞事竊臣等節據永寧道劉嵩齡永寧協副將馬化正

各稟稱聞得古州等處賊蠻作叛正在差探間隨

據護理重慶鎮印務叅將李文秀稟據駐防西陽

署守備劉紫衿稟稱探得古州苗人作叛燒殺印

水司八弓等寨銅仁松桃現在抽調出兵有快役

陳祖華拘提人犯行至騾子灘路遇民人劉國正
攜家奔走問其何往據云近日貴州沿河司東流
井一帶居民爲古州苗亂俱各搬逃今我這裏民
戶連日聞信逃避只得隨衆避亂及行至臘撒溪
見民人攜眷搬走者甚多各等情到臣據此臣等
查古州之去永寧甚屬隔遠而與酉陽亦非連界
但酉陽係新附苗疆其善後事宜於上年十二月
內繕摺具

奏未准議覆故營汛尚未安設現在雖有文武官弁
帶領兵役在彼彈壓地方料理民事誠恐無知土

民聞風逃避互相煽惑致滋驚擾關係緊要查黔

彭營兵丁于敬籌西陽安設事宜案內請抽兵二

百名移駐新營臣等隨飭令護鎮李文秀卽將該

營兵丁就近抽撥共足三百名添防西陽交署備

防自屬善舉

劉紫衿分布要隘小心稽察并令駐劄西陽之文

員逐處曉諭土民各安耕業勿相輕避其鄰近黔

彈心竭力爲之勿令一

夫一

婦失所方不忝封疆職任如果安撫緩勸令仍回故

宜黔

土不至流離失所竝將情形不時飛稟外所有據

稟古州苗叛及撥兵協防西陽各情由理合恭摺

奏

聞伏祈伏大關紐士餘華盟提齊容只又印紙驗風
皇上睿鑒謹不敷付且印紙一帶官只書齊到印人

奏

覽

雍正十三年六月初八日四川總督臣黃廷桂四

川巡撫臣楊嗣謹

奏爲奏

聞事竊臣等前據稟古州苗叛黔民驚避隨撥兵協防

酉陽一面繕摺奏

聞一面飭令接連黔界之文武員弁不時差探情形稟

硃批諭旨

軍

黃廷桂

星往駐劄不但彈壓雷波凉山并可爲米貼永善
一帶聲勢以安反側又龍場營管轄番蠻與威寧
畢節繡壤毗連亦應派千把總二員兵二百名赴
彼貼防其酉陽等處前已派兵二百名更恐新撫
之地不敷分防復加派兵丁一百名以資汛守并
飭各該文武員弁加意撫輯苗民謹慎地方勿致
煽惑滋擾仰副不文精銳糾差封禁雖未盡節實

皇上寧謐邊疆之至意惟是此項弁兵離汛遠防所需
口糧力難自爲備辦應請於駐劄之處如有官倉
可以供支者照例每官兵日給食米一升其無官

倉處所酌於附近採買運供以資飽騰所有據稟
黔省苗民情形及臣等派兵協防緣由理合恭摺
奏

聞伏候

皇上聖訓遵行謹

奏

汝等封疆大吏措置此等事件以不動聲色鎮靜慎密
爲要切勿稍涉急遽搖惑人心寄字趙儒亦令備悉朕
意撥兵增汛驪看苗情各事務俱應從容不迫相機合
宜倘露有張惶景象致起番蠻疑畏之心則大不可也

硃批諭旨

臺

黃廷桂

硃批衛昌績奏摺

雍正六年七月十六日提督廣西學政臣衛昌績
謹

奏爲恭解原書事雍正六年七月初四日准廣西撫
臣郭鉷咨稱准吏部咨查得廣西學政衛昌績疏
叅藤縣休致教諭譚王琪將

欽頒貯學之書任意借人監生胡祚悠霍廷杞肆加圈
點等因奉

旨衛昌績此奏甚屬可嘉著將原書解部看其圈點之
處再將譚王琪胡祚悠霍廷杞定擬具奏該部知道

發出者蓋不令汝招尤結怨也知之

同日又

奏爲恭謝

天恩事竊臣准吏部劄爲欽奉

上諭事雍正六年九月初四日內閣吏部奉

上諭前據廣西學政衛昌績疏稱梧州府藤縣所有部

頒在京官員刺錢名世之詩二冊經教諭譚玉琪借

與監生胡祚悠霍廷杞閱看私加圈點甚屬狂肆等

語今朕將原書調來親覽見書中詩句數處伊以己

意加圈於旁竝無狂妄指摘之處此乃遠方之人迂

濶庸愚一時錯誤不必深究著將私借官書之敎官
譚玉琪罰俸一年衛昌績於此等事不肯隱匿據實
奏聞其小心謹慎可知著給與紀錄一次欽此劄行
到臣臣隨恭設香案望

闕叩頭謝

恩訖所有臣犬馬感戀之忱理合具摺奏

聞謹

奏

覽奏謝知道了勉之

雍正七年四月二十九日提督廣西學政臣衛昌

續謹

奏本年四月十九日臣家人恭捧

硃批奏摺至桂林府臣隨叩頭跪開密閱訖臣前摺奏

聞粵西風俗之惡薄有宜整齊者紳士之強橫有宜

恩請約束者兵丁之怯弱有宜振作者州縣之鬪茸有

聞宜驅除者茲臣旋省試竣理合繕摺具縣所有部

奏

奏聞粵西民情大率嗜利而無恥尋仇而輕生健訟
而喜妄作一切姦淫偷盜忿爭刦殺干名犯分之
聞事皆悍然行之而不顧而倡之者實自強橫之紳

士始臣愚竊謂宜照浙省例仰請
皇上欽命觀風整俗使一員以整齊而約束之似於地
方大有裨益

一粵西營伍廢弛實由於訓練之不力亦有由於
兵額之不敷者卽如桂林一營額兵盈千今僅裁
留四百八十九名除分防汛兵及將弁親丁外實
在存城纔一百四十二名再除將弁書役及分守
十城門庫獄藥局外復有護送錢糧押解盜犯等
差則士不暇操弓而擐甲矣雖向來提鎮兩標撥
千總二員兵三百名駐省貼防然標協旣分客主

情異從前將弁一切周章觀望貌合中疎非所以
保衛地方也粵西幅員遼濶兵單汎廣通省皆然
臣愚以爲宜請

皇上敕下督撫確查營伍中兵額不敷者酌議增添概
停貼防使標兵歸標協兵歸協庶幾責成專而汎
守實約束勤而訓練精於營伍似有裨益
一闕茸之員莫如鬱林州知州佟世俊者邀仁厚
之譽無聽斷之才詞訟則勸之使和盜賊則縱而
弗緝衙役梁玉與羣盜交通而不覺次子佟鐸與
劣紳賭飲而不知私派科斂曠官病民殊玷職守

以上三條臣謹據地方所聞所見恭繕密摺奏
聞伏乞

皇上聖鑒謹

奏

所奏均關地方切要甚屬可嘉候另有諭旨

情異從前將弁一切周章觀望貌合中疎非所以
保衛地方也粵西幅員遼闊其單汛廣通省皆然
臣愚以為宜請

皇上敕下督撫確查營伍中兵額不敷者酌議增添
停貼防使標兵歸標協兵歸協庶幾責成專而汛
祇奏以關此式以要其疆而嘉其民信備官

奏一聞茸之員莫如鬱林州知州佟世俊者邀仁厚
皇上聖鑒聽斷之才詞訟則勸之使和盜賊則縱而
聞於公緝衙役梁玉與羣盜交通而不覺天子終錄與
以主三斜則藪難此式祇聞而具恭辭密附奏守

硃批蔣洽秀奏摺

雍正六年八月十四日巡察山東等處監察御史

臣蔣洽秀謹

奏爲奏

聞事竊臣奉

命巡察山東受事以來料理行文出示後於七月十一日由濟南府出巡至昌邑縣地方據青州府諸城縣申稱拏獲燒香惑衆之楊文供出牛三花拉邱志柱邱文信朱相卿孫龍杜禮當卽拏獲朱相卿邱志柱并牛三花拉之妻女及行李銀錢到縣訊

取各供具文通報等因又巡至萊州府高密縣據
該縣詳稱拏獲邪教高擇善等五名又關獲張華
商等四名各錄供詳報又巡至安邱縣據該縣詳
稱拏獲燒香之范存信研訊口供關解諸城縣收
審各等情到臣臣查諸城縣訊取各供未獲之犯
聞事牛三花拉等十六名高密縣訊取各供未獲之犯
奏張坤石等六名安邱縣訊取各供未獲之犯徐和
公等八名或係天主堂喫本命齋或係三元會空
字教勸人燒香按四時磕頭求財求壽圖騙香錢
等情臣因事關邪教惑衆難容任其逃匿隨批飭

各該縣嚴拏夥黨確審究擬外理合奏

聞臣謹

奏

類此邪教只宜嚴察爲首數名按律懲處被惑愚民不可一例論也切毋波累多人

雍正六年十一月初九日巡察山東等處監察御

史臣蔣洽秀謹

奏爲奏

聞事雍正六年十一月初五日據兗寧道呂維炳呈稱
本道因公赴省於十月二十六日自省起身二十

九日行至耿村地方有城守營都司李懷義差人

間事報稱十月二十九日五鼓各官正在拜

牌行禮間突有兇盜持刀斧等械擁入公所將遊擊韓

國枝都司李懷義左營守備李懷仁右營守備劉

文燦泉河通判郎燦原任州同陳文燦天井關官

楊志遠等斫傷現俱帶有傷痕而行禮處所卽在

州署間壁兇盜卽入州署該州妻女亦皆受傷劈

奏開監門劫出囚犯現在領兵擒拏等語本道聞信

飛騎入城見副將馮廷雄等率領四營官兵奮勇

擒拏將越獄重犯俱已全獲又拏獲兇盜馮候南

等二十名又拏獲割辮跟隨盜黨行走之更夫楊
二等八名交與吏目收監仍現在搜捕餘黨并嚴
訊夥盜確數另報外再查該州銀庫竝無疎虞隨
一面多派兵役看守一面出示安民俱各安堵如
常其知州高令樹奉濟東道調赴曲阜

廟工未回運河同知巴潮現在患病事關盜黨劫獄
傷官重情理合飛報等情到臣同日又據總河督
標中軍副將馮廷雄等報同前情據此臣除照會
兗寧道并檄行濟寧州嚴查此案確情督令兵役
搜拏餘黨究審詳報外合先繕摺奏

聞臣謹奉旨竊案審結狀合共縣縣表李慎義差人

奏案寧蘇并辦計齊寧州題查此案縣縣督令兵外

業據齊蘇勒奏聞矣

以蘇蘇縣同前辦辦此計糾照會

縣官重辦縣合縣縣等計縣並同日又縣縣所督

廟工未回縣縣同縣縣縣縣縣縣縣縣縣縣縣縣

常其狀狀高合縣縣縣縣縣縣縣縣縣縣縣縣縣

一面送縣縣縣縣縣縣縣縣縣縣縣縣縣縣縣縣

府縣縣縣縣縣縣縣縣縣縣縣縣縣縣縣縣縣

二等入各交與吏目外溫溫縣縣縣縣縣縣縣

等二十谷又等蘇蘇縣縣縣縣縣縣縣縣縣縣

硃批余甸奏摺

雍正二年七月二十日山東按察使臣余甸謹

奏爲恭謝

天恩事臣自閏四月十四日叩辭

闕廷祇承

聖訓瞻戀實深十六日起程二十五日抵濟南府二十

六日恭設香案望

闕謝

恩黽勉從事三月以來雨暘時若禾稼滋榮

皇仁流蔀屋念撫字應寓催科徧德及囹圄必祥刑斯

皇二稱董戒至於新舊虧空隨撫臣徹底以清查倉庫
恩糧銀借藩司斟酌而挹注節日用開講院而致明
關師裁陋規立義倉以備荒歲臣心所期如是次第
舉行臣才實有不堪咄嗟莫辦謬膺重任猶負邱

壘隨山受實氣十六日陟野二十五日陟觀南風二十

國厚綯如臨淵谷此則臣之所夙興夜寐不敢告勞

大恩咫尺日聞四月十四日四續

天威深虞隕越者也臣謹

奏
五月二十日山東巡撫臣余國

所奏知道予但不得好尚虛名廢弛實政刑名惟貴得

中母偏於慈善致令無良者藐法此外皆信得及爾也
勉之

雍正二年十一月初六日山東按察使臣余甸謹

奏爲恭謝

天恩事竊臣才具疎淺蒙

皇上特簡山東按察使受任以來日夜兢懼務期廉訪

利弊措置合宜仰答

聞爾濫收詞訟而又偏於柔軟果如此行事必致地方
聖明於萬一而勉竭愚鈍未效涓埃茲復奉
刁風大起關係匪細斷乎不可亟當加意改革

旨將布政司事務交臣署理聞

命之下悚惕逾深謹於十一月初二日承接藩臣博爾

命之多交臣印務訖至倉庫內銀穀數目容臣細查明
是何言歟豈有既受交盤復具此奏之理可謂亂道矣
臣白倘有未清之處當另具摺奏

聞臣謹萬一而欲舉職未效前廷茲更奉命是次第
奏陳雜計罰合宜而答咄嗟莫辨重任難負臣

覽上執簡山東封察封受升以來日交越數縣隰瀕

天恩事竊引木具賴對蒙上之所風風夜不取告勞

奏為恭摺

天恩竊五二年十一月十六日山東封察封引余留轄

奏

平世樹外慈善庭命無負養慈并此伏計計計又爾此



